



100
1965
Gardner
CAT 2002


Leon Dorey
Janet G.

H.F.
\$20

A Monsieur Adrien Blauchet
Avocat de l'Institut
en souvenir de mon cher Papa
et de ma chère Maman

Avec les sentiments
de la profonde reconnaissance
de

Frances Dorey



11.27

JSL
00024229

CONTEMPLATIO GEMMARUM QUARUNDAM DACTYLIOTHECÆ GORLAEI,


*Ante Biennium
& audæ, & illustratæ:*

Instituta

à
LAURENTIO BEGERO,
Serenissimi Electoris Brandenburgici Consiliario
ab Antiquitatibus & Bibliotheca.



Coloniae Brandenburgicae,
Imprimebat ULRICUS LIEBPERTUS, Electoral. Typographus. 1697.





*Overat algentes Aquilo jam sævior alas,
Indueratque rudi glacialia vincula terræ.*

Rediit ad constitutum ET ASTES, & solitâ salutatione præviâ, recusam ante biennium GORLÆI DACTYLIOTHECAM producens: Quid, inquit, DULODORE, de hac judicas? annon egregiè aucta? egregiè illustrata est? Laude suâ, respondit ILLE, opus hoc non caret; Esse tamen quædam, interdum etiam in vulgaribus, quæ certius lumen requirant, omnino est fatendum. Adeonè? subjecit ET ASTES, & quænam illa fuerint? Indicabo, respondit DULODORUS, sed ordine eô, quô mihi in mentem venerint, & eâ omnino lege, ut veritatis amore, non intempestivâ prurigine Tibi videar obtemperasse. In Gemma 103. me quidem judice, exhibetur

PHAETHON

Stellas fixas incurſans.



Gemm. incis.

Errorem Licet, exceptit ET ASTES, mihi videris recoquere. Is Solem hanc figuram statuit, deflectitque ad ampliatum ejus imperium, sicut alii querunt, qui per diem conspiciantur Stellæ? Sed his jamdudum responsum est, cum indignum sit, cogitari de Sole, ubi nulli radii, & contra tot Stellæ. Annon potius sit Bootes, cum Septen-

trione? ideo sane ut rusticus videtur stare in plaustro, non in fabrefacto curru. Plaustrum, regessit DULODORUS, rem non conficit. Eidem enim insistentem etiam Solem videoas, apud nostrum in annulo 77. Et quid? Annon indignum esset, Bootem laureatum procedere? Annon indignum Equorum quadrigis vehi, qui à bobus dictus est? Non Equis, sed bobus & quidem duobus, tantum, Bootes vehebatur, id quod ex Hygino discimus: Ut taceam, ipsos septem Triones Booti & plaustrum & boves esse. Qui fit igitur, ut in Gemma separatim fuerint expressi? Vides ETASTA, commentum de Boote fragili fundamento insistere. At certe, infit ILLE, nec Phaethon hic esse poterit, utpote cuius, Ovidio teste,

Ora pater rapidæ fecit patientia flammæ

Impositusque coma radios.

Cum tamen heic radiorum loco Laurea sit. Quod ad radios attinet, reposuit DULODORUS, fateor dubium suo pondere non carere, nisi Licetus, aut ejus Sculptor, in exigua Gemma, radiorum loco Lauream subjecerit. Id ut omnino arbitrer, facit densa erectorum foliorum congeries, quæ in Laurea solita non est, exigua autem mutatione radios adumbraret. Si hoc Tibi cedam, inquit ETASTES, de Phaethonte tamen nondum persuades, non magis ac de Sole. Quid enim? annon & Phaethon currum ascendit, postquam Stellæ jam diffugissent? Quid igitur Stellæ currum in Gemma ambientes? Intuere Gemmam, respondit DULODORUS, & simul in mentem Tibi revoca tersissimum Ovidii de Phaethonte testimonium. Annon omnino hic cernitur, qualis *Mentis inops gelida formidine lora remisit?*

*Quæ postquam summo sensere jacentia tergo,
Exspatiantur Equi, nulloque inibiente per auras
Ignota Regionis eunt, quâque impetus egit,
Hac sine lege ruunt, altoque sub æthere FIXIS
INCURSANT STELLIS?*

Quid clarius? quid concinnius ad Gemmam dici potest? Sed ad alia transeamus! In Gemma 538. mihi videtur exhiberi

HECTOR,

Suum casum, vigorem, & juventutem lugens.



Nova, inquit ETASTES, de Gemma proposita, hæc est opinio. Hectorem adhuc nemo agnovit, sed vel militem atroci bello superstitem, adeoque pauperem: Vel sane militem

militem Sagittarium, nudum, & rupi accubantem, manus ambas, circa genu dextrum elevatum, complicatas habentem, vel admirantis gestu, vel miserantis, armaque sua, hoc est pharetram & arcum, arbore suspendentem. Quid ais, DULODORE? Verba haec esse, respondit ILLE, non rationem, non originem inquiri. Hectorem hic exhiberi, sequentia Pausaniae persuadent, in Phocicis: Εν δὲ τοῖς κατώ τῆς γεαφῆς μὲν τῷ Θεᾶντα δέ τι Θάμνου ἔκτορ μὲν καθεζομένος αμφότερας ἔχει τὰς χειρας περιτο αριστερὸν τόνυ, ανιωμένοις χῆναις ἐμφάνισσιν. Infima Tabula, post Thracem Thamyrin, HECTOREM habet SEDENTEM, & UTRAQUE MANU LÆVUM GENU PREMENTEM, tristi admodum facie, & lugubri habitu. Quid clarius ad Gemmam dici potest? Imò sunt, inquit ETASTES, quæ assensum morantur; Primo enim non genu sinistrum, sed dextrum in Gemma amplectitur sedens: deinde Hectori licet Clypeus conveniat, non tamen convenient Arcus & Pharetra ab arbore suspensi: Ut taceamus barbam, quâ Hector & apud Seguinum, & in Musæo S. Genouevæ visitur ornatu. Quod barbam concernit, respondit DULODORUS, dubium evanescit, cum utique non barbatus tantum in allegatis, sed & imberbis in Tabula Iliacâ apud Celeb. Fabrettum non semel occurrat, & juventus Hectoris concinnius sine barba adumbretur. Quod de genu dextro moves, nec ipsum alicujus momenti est; Figuræ enim Gemmis incisæ, si in Gemma dextræ appareant, ex Gemma expressæ, sinistræ sunt, & vice versa: Adeò ut Sculptoris vitio partem dextram exceptam dicere liceat, quæ si ad historiæ fidem respicias, sinistra esse debuisset. Ut de Pharetra & arcu satisfaciam, omnino monendum, Hectorem hic pingi, non qualis contra Græcos præliatus est, sed qualis ab Achille occisus, in Inferno casum suum luxisse credebatur. Id non tantum ex Pausania adstruxeris, qui in Tabula Polygnoti, quâ Ulyssis ad Inferos descendens adumbravit, eum talem fuisse memorat; Sed etiam ex Homero, qui cùm Hectorem, ab Achille lethali vulnera prostratum, per animam & genua Victori supplicasse, ne se canibus dilacerandum objiceret, nec tamen obtinuisse, ideoque etiam Achilli dirum exitum imprecatum memorasset, subjicit:


Ος ἄρεψ μην εἰπόντες τέλος Γανάτοιο πάλυψε,
Ψυχὴ δὲ σκοτειῶν πλαύεντι αἰδός δὲ βεβήνει
Οὐ πότμον γεωμον, λίπτοσ' ἀδροπῆτα καὶ ἥβην.
Sic igitur ipsum locutum finis mortis cooperuit:
Anima autem ē membris volans ad infernum ivit,
Suum casum lugens, linguis vigorem & juventutem.

Ex his, inquit ETASTES, equidem de tristitia & juventute patet, de Pharetra autem & Arcu nondum patet: Et quid arbor, cui appensi sunt? Arborem, respondit DULODORUS, in inferno non miraberis, cum & Orpheum arboris trunco acclinem, lavaque Salicis frondes contrectantem, quas Lucum Proserpinæ Pausanias interpretatur, in eadem Tabula pinxit Polygnotus. Arcum & pharetram ad Apollinem retulero, cuius auxilio Hectorem apud Homerum Juppiter commendat, quiue eundem etiam in allegata Tabula Iliaca sublevat, unde & Lycophroni τρόφις πώλεις, Alumnus Ptoei patris, aut Apollinis, dicitur v. 264. seq. Incongruum scil. non videtur, si Hector, postquam occubuit, inane & Dei auxilium, inane & Clypei sui præsidium, etiam apud

6.

Inferos deplorans, nobilissima hæc in Gemma credatur adumbratus. Succedit in
Gemma Annuli 132.

LUSUS CUPIDINUM.



Hoc modò, subjicit ET ASTES, Laur. Pignorium in Symbolis Epist. sentire, Erotem & Anterotem Cupidines hos interpretatum, non ignoro, sed Gemmam accuratius contemplatus, quòd lineæ illæ rectæ majoris sculpturæ, in minore apud Gorlæum non sunt, & rotundus ille Orbis circulo oblongo adfigatur, potius ad concordem pacem respiciendum arbitrer, quâ ligata sunt Elementa, quorum Oceanus in ipsa Annuli palâ expressus circumfluit omnia: Terra se librans pondere suo ei innat: Suprà Aer ac superior Æther volantium specie ita exhibentur, ut manibus brachiisque innexis se mutuò retineant. Digna Philosopho sententia! exclamavit DULODORUS. Annon vides secundum hanc, mare non terram tantùm, sed & aërem & ætherem ambiare, Terramque absque Oceano globum constituere? Imò nec suò pondere se librare, utpote Oceano innixam? Quis autem adeò obtusæ mentis est, ut hæc statuere au sit? Nugæ, Nugæ sunt, quas Tu hic mihi venditas. Tutius sanè in Cupidinum lusu substitero, sive Eros & Anteros hic adumbretur, sive Amor Cœlestis & Vulgaris. Amoris quidem, inquit ET ASTES, Cœlestis & Vulgaris Plato, Eros & Anterotos Pausanias meminerunt, id quod jam alibi docuisti, quâ ratione & Venus,

Geminorum Mater amorum

Ovidio vocatur, in Fastis; sed nondum video, quâ ratione in Gemma credi possint expressi? Dupli arbitror, regessit DULODORUS, globum vel Terram interpretando, vel Pomum: Si Terram, omnino agnoverim amorem Cœlestem, plebejum à terrenis fôrdibus abstrahentem: Si Pomum, omnino lusum ei similem, qui apud Philostratum describitur, Icon. L. I. Ubi cùm "Egymis mala colligentes, & variis gestibus vel gradientes, vel volantes memorâset, inter alios quatuor formosissimos, ait, à catenis secessisse, eorumque duos, MALA sibi invicem mittere, alteros duos mutuis se sagittis pereere. Addit & luctam: Alium scil. adversarium superâsse, IN EJUSQUE DORSUM VOLANTEM, eum in suffocationem abducere & cruribus necere. Hunc verò rectum assurgere, manumque, quâ angitur, dissolvere. Spectantes autem, quod præter luctantium morem agat, POMIS ipsum appetere. Si hæc ita se habeant, inquit ET ASTES, similem Cupidinum, an lusum? an luctam? Tecum agnoscere non amplius dubitabo; nam & hic

Cupido

Cupido in alterius tergum volasse, eum superasse, & per aërem abducere cernitur. Id eò tutius forsan Tibi videberis facere, respondit DULODORUS, quô clarus poma Amoribus propria fuisse, etiam Coluthus cecinit:

Μῆλον πλέρεας ἐστιν Ἐρώτων

inquit de Raptu Helenæ. Hæc autem utut sint, mihi tamen, quod de Amore Cœlesti, Plebejum à terrenis sordibus abstrahente dixi, magis placeret; Licet enim auctoritate destituar, non tamen destituor ratione, cùm lasciviam amantis, Amati virtute corrigi, nec incongruum sit, nec insolitum. In Gemma 10. visuntur

MERCURIUS & MINERVA ΘΕΟΙ ΠΡΩΝΑΟΛ



Mihi alia sententia placet, respondit ETASTES; Mercurius & Pallas hic exhibentur, quasi hæc Atticam terram irrigare constituens, Jovis jussu per Mercurium prohibetur id facere, de quare Hyginus Fab. 164. An consultant de Filibus Cecropis? Adstat enim Actæo textâ de vimine cista, cui pedem hæc imponit. Neutrum ego dixerim, excepit DULODORUS. Apud Hyginum enim, non Palladem memini, sed Neptunum, Atticam terram irrigare constituentem, & à Mercurio prohibitum: Adeò ut prior opinio absque dubio evanescat. Posterior nihilo firmior est. Textam de vimine cistam non video. Lapis est, quales columnis, aliisque ædificiorum partibus apponi solent: Et hic, si aliud nihil, assertum meum non modicè videtur fulcire. Ex Luciano, regessit ETASTES recordor, Mercurium, cùm Deas in judicium deduceret, cum Minerva seorsim collocutum esse: *Quid si huc Gemma referenda sit?* Si facias, respondit DULODORUS, per me licebit, quanquam quòd in via inter gradiendum, id factum sit, in Gemma autem apertè subsistant, Lapisque pedi substratus ædificii eu-jusdam index esse possit, ab opinione mea nondum censem decedendum. Commodè succurrit Inscriptio Gruteriana p. 50. n. 7.

MERCURIO ET MINERVÆ DIS TUTELARIBUS. S.

Ex Lapide tetragono desumta, cuius in summo, Mercurius & Minerva, ambo suis cum ornamentiis memorantur stetisse, ericti singulari corpore, solo capite distincti, quod utique ad conjunctionem in Gemma egregie facit. Ut taceam quod in Propylæo templi Hazakiensis, quod Oppidum VIII. millibus ab Ulpia Trajana absuit, eodem

Grute-

Grutero teste, steterint. Non abs ratione hoc; Pausanias enim p. 557. Minervam & Mercurium θεός περάσει five *Vestibulares* memorat, eorumque statuas, ait, in ipso Thebarum aditu fuisse, Mercurii quidem à Phidia, Minervæ autem à Scopa factam: Πρώτα μὲν δὴ λιθία κατὰ τὴν ἔσσδον θέου Αθηνᾶ καὶ Ερυνῆς ὄνουμαζόμενοι Περγάσι. Ποιῆσαι δὲ αὐλὸν Φειδίας, τὴν δὲ Αθηνῶν λεγέται Συνόπτει. Quæ verba non minus etiam ad Gemmam Thesauri Palatini allegari possent. Nisi fallor, exceptit ETASTES, Gemma hæc etiam ex Schedis Bellorii à Causæo in Musæo Romano proposita est. Est, reposuit DULODORUS; Sed ille maluit ad Præfecturam Gymnasiorum respicere, quō sensu Hermathenam ex Mercurio & Minerva compositam Cicero credidit, ad T. Pomponium Atticum, L. I. Ep. 3. *Quod ad me de Hermathena*, inquit, *scribis, mibi pergratum est, ornamentum Academiae proprium meæ, quod & Hermes commune omnium, & Minerva singulare est ejus Gymnasi, &c.* Non male hæc, infit ETASTES, & quidem ad conjunctionem quæ in Gemma visitur, optimè. Eundem in sensum, perrexit DULODORUS, imò & majorem ad conjunctionis lucem, est & testimonium Aristidis de Minerva p. 26. Tom. I. Άλλὰ μὴν, ἵνε τεῖχος Ερυνῆς ποιωνία τῆς θεᾶς, παντὶ δήλη. Οὐτοις Ερυνῆς καλῆς λόγουν καὶ ἀγοραῖον καὶ ἐμπολαῖον. Ἐναγωνίῳ δὲ καὶ ἀντί χορευτῇ Καθέσηκεν. Οὐ μηδὲ μὲν γάρ καὶ ἀντικενούσι ἀντὶ τῶν ἐναγώνιον διπολαινας, τὰ γάρ ἀθλα κείνει δ' αὐτῆς. Jam quanta illi cum Mercurio societas intercedat, nemini potest ignoratum esse, qui Mercurium Sermonis, Fori & Mercaturæ Præsidem vocet. Nam Athletico quidem ipsa instar Choragi est, & ab Homero nominatim ATHLETICA vocatur, quod de Certaminibus de suo judicat arbitrio. Hæc Aristidis, ut & superiora, rationem simul pandunt, cur Cecrops Mercurium in Templo Minervæ Poliadis dedicaverit, cuius rei en testem Pausaniam, in Atticis, p. 48. Κεῖται δὲ ἐν τῷ ναῷ τῆς Πολιάδος Ερυνῆς ξύλος. Κένερπος εἴναι λεγόμενον αἰνάθηκα. Erectus autem est in Poliadis delubro Mercurius ligneus. Fuisse ajunt Cecropis donum. Luculentos conjunctionis testes adducis, inquit ETASTES, luculentas & ejus rationes. Quid autem ad propositum sequar? Deos περγάσει, respondit DULODORUS, idque vel ideo, quod etiam in allegato suprà lapide, singulari corpore conjuncti memorantur, imò quod in Gemma Lapis, cui Minerva pedem imponit non va- num videatur vestibuli, à quibus denominantur, indicium. In Gemma 170. se sistunt

PHILOSOPHI In Academia ad Aram Minervæ dissertantes,



Sard

incis.

Mihi,

Mihi, inquit ETASTES, simplicius duo Eruditi viderentur, sedentes in Cathedris & dissertantes, velut ad aram Lugdunensem, cuius mentionem fieri novimus ab Antiquis, qui notabiliter hinc illustrantur. Asserto accedere vereor, respondit DULODORUS, idque ideo, quod ara Lugdunensis non Minervæ, sed Augusti fuit, uti notat Gangraeus ad illud Juvenalis:

Lugdunensem Rhetor dicturus ad aram.

Multò aliter proposita. Minervæ hanc esse, ex ipso imposito ei Minervæ capite patet. Minervæ autem aram in Academia Atheniensi fuisse, ex Pausania constat, p. 58. *ἐν Ακαδημίᾳ δὲ Μεσῶν τε Βωμὸς, καὶ ἐπεὶ Εὔρω, καὶ ἔνδον Αθηνᾶς. In Academia Musarum sunt, & Mercurii ARÆ, & interius MINERVAE.* Quid clarius dici potest? Fateor, exceptit ETASTES, & gaudeo, quod rei basin audierim. Mihi quidem mea opinio etiam dubia fuit, sed alio ex capite. Ad Aram Lugdunensem Rethores certasse, ex allegato Juvenalis versu intelligimus: Rethores autem stantes arbitrabar munere functos. Hæc ratio, subjecit DULODORUS, si valeat, de quo tamen vereor, ne dubitari possit: si inquam valeat, non tantum Rethoribus Gemmam abjudicat, sed etiam Academicis eam addicit. Nostri ETASTA, Peripatheticos dictos, quod ambulando disputarent, id quod Cicero L. I. Academicarum quæstionum docet. Peripatheticos igitur hâc in Gemma vel ideo negabis, quod non ambulant, sed sedent. Nostri Academicos ab Academia dictos, eodem Cicerone docente: Et quod insigni locus is denotaretur clarius, quam Arâ Minervæ, in Academia secundum Pausaniam deposita? In Academia inquam, cuius Cicerone teste, ut modò dictum est, Minerva peculiare Numen fuit, & in qua Academicci conveniebant, & differendo se exercebant? Minervsanè apertè satis non Lugdunum, sed Athenas designat, & Philosophi sedentes simul adumbrant otium Philosophorum, de quo Socrates apud Platonem: *Philosophi*, inquit, *otio tranquillo confabulantur.* In Gemma 32. adumbratur


FORTUNA AEGIRENSIUM cum assistente Cupidine,



Fortunam video, inquit ETASTES, eique ab blanditur Cupido. Rectè vides, responde DULODORUS, sed adde rationem. Qui possem? regessit ETASTES, nullò Authorum eam suggestente? Imò Pausanias, perrexit DULODORUS, eam adeò clarè deducit, ut nihil dubii remaneat. Ita ille in Achæicis, p. 451. *Ωιοα καὶ οἰκηταὶ ἡν-*

Λιγέτης θεούμενος. ἄγαλμα τοῦ εἰς οἰκηματικόν, τὸ πέρας Φέρεβοι τὸ Αμαλθίειας παρεῖ ἐπὶ αὐτὴν ἔρως περὶ ἔχων δέινον ἐφέλει τὸ σημαίνειν, ὃν αὐθεώποις καὶ τὰ ἐξ ἔρωτος τῶν μαλλιῶν ἡ τρώδης κατορθώσα. *Aedicula etiam quadam Ægira est, in qua Fortuna signum sum conspicatus Amalthea cornu gestans, cui assistit volucet Cupido.* Significat nimisrum bac amoris & fortuna conjunctio, plus ferè in amore homines ope fortuna, quam pulchritudine proficere. Quid concinnius ad Gemmam dici potest? Fateor, inquit ET ASTES, video enim Fortunæ Cornucopiae: Video Cupidinem cum alis: Video utrumque conjunctum, planè qualiter Pausaniæ memorantur. Imò & illud notari mereatur, quod Statuas has Ægiræ fuisse Laudatissimus Author testatur. Vellem autem scire, quis Ægiræ situs, quod Etymon fuerit? Non abs re mihi facere videris, respondit DULODORUS, simul enim noscet, cur Cornu Amaltheæ Fortunæ simulacrum hoc præferat. Amalthea capra fuit, quæ Jovem nutrit, uti aliundè patet: Et à Capris denominatam Ægiram, ejusdem Pausaniæ assertum est. Verba Romano idiomate adscribam, ne multitudino sermonis Græci Tibi tedium pariat. Nihil in maritima ora babent Ægiratæ memoratu dignum. A navali superiori Urbs stadia abest XII. appellata ab Homero est Hyperechia. Recentius enim nomen ea Urbs, quam Jones ante Coloniam deduxerant, ob hujuscemodi causam accepit. Cum Sicyonii, comparato exercitu agrum invasuri essent, intelligerentque Hyperechienses, nullo se paecto pares illis numero & viribus futuros, CAPRAS omnes, quæ intra fines erant, in unum coegerunt, ad ligatasque ad cornua faces intempesta nocte accendere. Hostes, ignes eos esse ab auxiliaribus Ægiratarum suspiciati, retrò agmen egere; à CAPRIS itaque (Ἄιγας Græci vocant) mutato veteri nomine, Urbs Ægira est appellata. Hæc Pausanias. In Gemmis 299. 313. 314. 320. nobis exhibetur

SILENUS.



Non Silenum, inquit ET ASTES, sed in primo Socratem & Alcibiadem: in secundo & tertio Socratem, vel saltantem, vel cum puerō ludentem: in quarto denique Xenocratem agnoverim, asino vectum. Non Tuō id facis judicio, respondit DULODORUS, sed Celeberrimi Chifletii repetis sententiam, qui Socraticam effigiem variis cum insignibus prodidit. Sed uti Chifletium in his sibi nimis induluisse arbitror, ita vellem Chifletianas Gemmas uberiore eruditionis Nectare perfundi. Hæc ut ut se habeant, infit ET ASTES, talia sanè per me sint; An autem Socrati & Xenocratii has Gemmas minus rectè addixerit Chifletius, non video. Alcibiadem Socratis disciplinâ usum, ex Historia

Historia constat: Et Xenocratem non tantum adscriptum nomen arguit, sed & Platonis judicium, qui eum ob tarditatem ingenii, *Afinum* appellavit. Nihil agis, inquit DULODORUS; In prima enim Gemma Silenum & Bacchum corona hederacea, in reliquis Thrysus arguent, & notissimum Sileni simulacrum.

Silenum, reposuit ETASTES, in Gemma prima & terria fortassis fateri possum; Constat enim Bacchi Nutricium fuisse, indeque cum eo & jungi & ludere. Quid autem ad secundam dicam, non video. Quid? An Silenus legitur saltasse? annon potius de Socrate opinio valeat, quod saltationem is probaverit? & per Canem, cuius ideo caput afflictum credi potest, apud Platonem juraverit? Speciosè hæc dicuntur, perrexit DULODORUS, an vere? id sanè nescio. Licet enim saltationem probaverit Socrates, non tamen legitur saltasse, non legitur thyrsum prætulisse: At utrumque de Silente indubium est. De thyrso quid opus est probare? De saltatione audiamus Nonnum in Dionysiaca L.XIX. v. 261. & seqq. Ubi cum Amorem hederâ viteâ comam Bacchi coronassse memorasset, addit:

Τοῦτο σοφῆς παλάμης ιερόεις Σειληνὸς ὑΦαινων,
 Δεξιτερὴν μὲν ἔπαινε πολυσκάρθμῳ δὲ πεδίλῳ
 Ἐπι χθονὸς ἡώριτο, καὶ ἡέρι πέμπεν ὄπωπάς,
 Πῇ μὲν ἐπ' ἀλλήλοισιν ὁμόζυγα ταρσά συνάπτων,
 Πῇ δε διαζεύχας ἐτεραλκέι πάλλετο τέχνῃ,
 Ἀλλοτε πουλυέλικτος ὑπὲρ δαπέδοιο χορεύων
 Ορθὸς ἐπὶ στέρνοις ἐλικώδει σείετο παλμῷ.
 Δεξιτερῷ δ' ἀγναμπτος ἐπεστηρίζετο θαρσῷ,
 Δάκτυλον ἄκρον ἔχων ἐτέρου ποδὸς, ἢ γόνυ κάμψας
 Συμφερταῖς παλάμησιν, ἢ ἐκταδίνι πτύχα μηρῶν
 Σειληνὸς βαρύγυνος ἔχων ποδὸς ὅρθιον ὄρμὴν,
 Καὶ πόδα λαιὸν ἀειρεν ἀπὸ πλευροῦ καὶ ὥμου,
 Κουφίζων ἐλκηδὸν ὄπισθοτόνῳ δ' ὑπὸ τέχνῃ
 Καρπύλον ἡώρισεν ἐπ' ἀυχένι ταρσὸν ἐλίξας.
 Καὶ βαλίη στροφάλιγγι παλιννόστοιο χορείν,
 Υπτιος ἀυτοέλικτος ἐκάμπτετο κυκλάδι τεχνῇ,
 Πεπταμένην ἐπίκυρτον ἐσ ἡέρα γαστέρα Φαινων,
 Τὴν ἀυτὴν στεφανιδὸν ἀτέρμονα νύσσαν ἀμείβων.
 Καὶ κεφαλῆ πεφόριτο παρύορος, οἷα περ ἀεὶ^{εἰ}
 Απτομένη δαπέδοιο, καὶ ὃν Φαύουσα κονίς.
 Καὶ ποδὶ λαχνήεντι πέδον Σειληνὸς ἐλίσσων,
 Αστατος ἔνθα καὶ ἔνθα ποδῶν βανχεύετο παλμῷ.

*Hoc prudenti manu cornutus Silenus texens,
 Dextram quidem cessare fecit, multum verò saltante pede
 Ex terra tollebatur, & in aëra misit oculos.
 Interdum quidem ad invicem conjunctas plantas connectens
 Interdum verò disjungens, alterna vibrabatur arte.
 Interdum multum volubilis super solo saltans,
 Rectus in pectora volubili vibrabatur vibratione.
 Dextrâ vero non flexilis, firmus stabat in planta,
 Digitum summum babens alterius pedis, aut genu flectens
 Collatis manibus, aut extensam plicaturam femorum
 Silenis genibus gravis habens pedis rectum impetum.
 Et pedem sinistrum sustulit à latere & humero,
 Elevans volutum, retrotenfa verò ab arte
 Incurvum sustulit super Cervicem plantam volvens
 Et veloci turbine retrogradae choreæ,
 Supinus per se volubilis flectebatur circulari arte.
 Volantem incurvum in aëra ventrem ostendens
 Eandem coronatam infinitam orbitam transiens.
 Et caput ferebatur sublime, tanquam semper
 Volans super solo, & non tangens pulverem
 Et pede hirsuto solum Silenus rotans,
 Instabilis hinc & hinc pedum bacchabatur vibratione.*


Hæc de Sileno Nonnus, & quam ad Gemmam appositi? Fateor, exceptit ETASTES, & si de afficto Cane eadem *augœtia* doceas, jam non poenitebit opinionem de Socrate relinquere, Tuamque de Sileno saltante amplecti. Canem, reposuit DULODORUS, licet non Sileno, Baccho tamen à Pane datum, ejusque fidum comitem fuisse, ex eodem Nonno discimus. Fortassis occasione inde sumptâ, etiam fides Sileni in Bacchum hoc symbolô adumbrabitur. Bacchus certè tanti memoratur Canis sui fidem fecisse, ut etiam Sideribus eum illatus memoretur. Verba adducerem, nisi multitudine tædiosa forent, præsertim cum superioribus de saltatione, aures Tuas jam nimis oneraverim. De Xenocrate audire placet, subjecit ETASTES, quem & ipsum pro Sileno habendum, Te memini statuere, cùm tamen & nomen & ingenium Xenocratem evincant. Neutrū videtur, regessit DULODORUS. Si enim Platonis judicium de Xenocratis tarditate attendendum sit, non Xenocratem Asino vehi, sed ipsum Xenocratem Asinum esse, dicendum erit. Et quid? Annon & hic Thyrus Silenum evincit? Thyrus, qui Xenocrati nullò, Sileno autem omni modò convenit. Silenum autem Asino vehi etiam pueris innotuit. Adscriptum Xenocratis nomen opinioni non refragatur. Quæ enim necessitas nos cogit, ut nomen tantum ejus arbitremur, qui in Gemma cœlatus visitur? Annon potius erit ejus, qui Gemmam cœlavit? idque secundum morem Artificibus priscis familiarem, ut videre est exemplis Dioscoridis & Apollonidæ apud Celeb. Sponium. De his ex Plinio discimus, perrexit ETASTES, quis autem de Xenocrate? Idem Plinius, inquit DULODORUS; En verba:

verba: *Xenocrates Tisicratis discipulus, aut ut alii Eutycratis, vicit utrosque copia signorum, & de sua arte compositum volumina.* Statuarius hic fuit, exceptit ETASTES, à quibus Cœlatores Gemmarum utique totō cœlō differebant. Imò Artifices ejusmodi, respondit DULODORUS, interdum in diversis se exercuisse, exemplō Myconis constat, qui licet Pictor & Statuarius fuisset, Plinio memoretur, tamen & Gemmam cœlasse, exemplo ejus noscitur, quæ apud Sponium d.l. prostat. Xenocrates sanè & ipse, non Statuarius tantum Plinio memoratur, sed & de Pictura scripsisse, L. 35. c. 10. Adeò ut non malè de eo Rev. Harduin in Indice Authorum; *Xenocrates, qui de Toreutice scripsit, insignis fuit pingendi COELANDIQUE artifex, Tisicratis discipulus.* *Tisicrates Lissippi, qui Alexandri M. temporibus vixit; Unde Xenocratem etate Ptol. Philadelphi vixisse conficitur.* In Annulo 18. & Gemma 231. exhibentur

APES FLORILEGAE

&

Parentum more rura colentes.



In Gemma priore, exceptit ETASTES, Apis fortassis Thymo insidet, ut Horatiana. De Thymo nolle adderes, inquit DULODORUS, Dioscorides enim Thymū ab omnibus ait cognosci. Si autem eum agnoscis, agnosceres procul dubio florem hunc à Thymo totō cœlō differre. Collatio, subjicit ETASTES rem in aprico ponet. Eam facillimè instituero, regessit DULODORUS. Flos hic uno caule ex terra enatus, foliisque utrinque longioribus visitur ornatus, eodem ferè modō, quō apud nos Tulipæ solent: At *Thymus*, Dioscoride docente, *surculosus frutex fuit, exilibus foliis, multis & angustis circumdatus capitulis, in cacumine flore purpurascente refertis.* Quid eorum in flore proposito? Nonne vel hinc patet, Te memoria eorum decipi, quæ paſſim apud Authores de Thymo Apībus depasto leguntur? Noveris autem non Thymo soli, sed aliis quoque floribus Apes insidere. Hoc sanè sensu Ovidius *Florilegas* dixit, versibus mox allegandis. At mihi, infit ETASTES, talis flos, qualis in Gemma affictus est, non succurrit. Neque mihi, respondit DULODORUS, nisi Pœoniam censeas, Sculptoris vitio minus affabré exceptam; Hæc enim inter omnes, quos novi, proposito proximè videtur accedere. Sed res ex contemplatione prototypi dedici debet, nec nostrum est, ulterius ei inhærere. Quid autem dicis ad Gemmam secundam? quæſivit ETASTES, in qua jocosam arationem, aratore Ape, & similiter

duabus aratrum ducentibus, & jugo junctis, video. Jocosa aratio, respondit DULODORUS, hæc non est. Id facile perspicies, si causam, si originem inquiras. Utramque exhibit Ovidius Met. 15. v. 365. Ubi cùm docuisse, quomodo Apes à Bobus oriuntur, appositiè ad Gemmam subjicit

De putri viscere passim


FLORILEGAE nascuntur APES, quæ MORE PARENTUM

RURA COLUNT, operique farent, in spemque laborant.

Licet enim hæc verba de labore Apum naturali, colligendo scil. ex floribus melle, intelligenda sint, nemo tamen non videt, etiam ad eum quadrare, qui in Gemmis, euni procul dubio in finem, expressus est, ut Apum à Bobus origo, & æmula originis sollertia simul connotetur. In Gemma 193. & Annulo 73. adumbratur

SYMBOLUM AUGUSTI

Σπεῦδε βραδέως, Festina lente.




Onych incis.

Ad primam Gemmam, exceptit ETASTES, assurgere possum placito; Ex eo enim, quod in Durmiæ Gentis Numismate hunc typum inveniri notum est, non obscurè simul & de symbolo Augusti patebit, cùm Numisma id etiam Patino ita explicetur: Nec a ratione; Papilio enim festinationis, & Cancer, sive Pagurus, lentitudinis symbolum, si conjugantur, quomodo aliter explicabuntur? Rem probè tenes, inquit DULODORUS. Quid autem ad Gemmam secundam dicis? Etiam hic de Augusti symbolo Te video sentire, subjecit ETASTES, & id quidem cum Chifletio facis. At mihi Augusti symbolum hic videri potuisse, mirum videtur, cùm potius Vespa sit, fulmini advolans. Mihi, regessit DULODORUS, mirum videtur, Te Vespam fulmini advolantem hic videre posse, cùm tamen Vespa hujus nullæ sint alæ. In his sanè tota controversia decisio versatur. Si adessent, Tecum sentirem: cùm absint, fulmen celeritatis, Vespa autem ἄπλεγον tarditatis symbolum arbitrarer, adeoque conjunctionem ad Augusti Σπεῦδε βραδέως, referendum, omnino censerem: Quanquam, quod notandum, hæc opinio Chifletii non fuerit; Ubi enim ille de symbolo Augusti ad hanc Gemmam? Scarabæum arbitratur, fulmini ideo impositum, quod Soli & Lunæ is sacer eset, & quod, ut apud Pliniū est, ad avertendas tempestates Smaragdis insculperetur. Sequuntur in Annulis 48. & 5.

OLORES

5.
O L O R E S
VENERIS.



Non Olores, inquit ET ASTES, sed Anseres in his agnosco: Quanquam, ut verum fatear, vel ideò res mihi dubia sit, quòd Veneri Anseres dicatos hactenus invenire non potuerim. Licet Authoritas desit, respondit DULODORUS, tamen non deesset ratio, si modò anseres hos esse, figura suaderet. Quid enim? an nescis Plinium scribere, *Anseribus inesse famam amoris?* id quod confirmat exemplis, ab Anseribus amatorum, Oleni scil. pueri, quem Athenæus *Amphilochum* vocat, & *Glances Citharà* canentis? ut tacceam *Lacydem Philosopherum*, quem Anser adeò amasse eidem traditur, ut ei perpetuò adhæserit, nusquam ab eo non in publico, non in balneis, non noctu, non interdiu discesserit. Exempla ad rem faciunt, exceptit ET ASTES, & mihi in mentem venit & Homeri locus, ubi Procos Penelopes sub Anseribus intelligit. Id ob voracitatem, reposuit DULODORUS: Ad Venerem autem propriùs fortè, quòd Anser ei Clypeo in sculptus erat, quem Vulcanus in Veneris gratiam pro Ænea fabricavit, id quod ex Virgilio patet: propriùs, quòd Nemelin, cùm à Jove Cygno comprimeretur, in Anserem mutatam, Cœlius Rhodiginus observat: Imò, quòd Anseres Priapo sacros, ex Petronio notum sit, ubi *Priapi deliciae* vocantur, & *omnibus Matronis acceptissimi* feruntur. Quæ rei causa? quæsivit ET ASTES. Procul dubio, respondit DULODORUS, quòd testes Anserum comedti ad libidinem & procreandam sobolem plurimum conferant, id quod Physicorum calculò comprobatum est. Hæc si ita sint, subjicit ET ASTES, quid prohibet Anseres hic Veneri sacros statuere? Si Anseres essent, respondit DULODORUS, in Curru non Venerem, sed Junonem intelligerem, aëris præsidem, cui Anser ideo facer dicitur, quòd facillimè aëris motum sentiat, ut Servius notavit. Ad aërem sanè etiam alæ flagello affixa referri possent. Junonem, exceptit ET ASTES, Infantes removent: Quid autem Anseres removeat, fateor me non videre, cùm utique nec Cygnos hos esse, brevitas colli arguat, quæ in editionis recusæ bigis, utique ad oculum patet. Subrisit DULODORUS, & egregiè opinioni velificaris, inquit. Non ex editione recusâ, sed ex ipsa Gorlæi talia censenda sunt. Hanc si conferas, apertum erit, in recusis Sculptorem, ut opinionem de Anseribus fulciret, colla brevisima delineâsse, cùm revera apud Gorlæum longiora sint, quam ut Anserum credi possint. Adde quòd nec rostrum, nec pedes in Gorlæanis, Anseribus quadrent, sed omnino

omnino tales sint, quales in Cygnis Suevi nostri, Cygnorum sanè feracissimi, quotidiè contemplamur. Cygnos, regessit ETASTES, Veneri sacros, imò & ab ejus curru religatos, novi nihil est. Horatius, Ovidius, aliqui rem clarè, uti jam suprà vidimus: Quibus accedit & Statius in Epithalamio:

Amyclaeos ad frena citavit olores.

Sed mihi de Venere dubium movent Infantes Cygnis inequitantes, qui Cupidines esse non possunt, utpote alis destituti. Ain Tu? reposuit DULODORUS. Ergo & illum Cupidinem negas, qui in Gemma Gorlæi 62. coram Vulcano alas fabricante Veneri adstat? Non ausim, respondit ETASTES; Hunc enim Cupidinem esse, adjuncta Venus demonstrat. Vides igitur, subjecit DULODORUS, alas Cupidini necessariò non affingi, id quod latius ex Athenæo alibi demonstratum dedi. In Gemma secunda id eò tolerabilius est, quò apertius Cupidinum alas flagello alligasse Venus cernitur, sive nondum eas aptaverint Cupidines, à Vulcano factas; sive eas in Matris gratiam deposuerint, ut apud Virgilium; sive denique Venus eas filiis ademerit, qualiter & arcum & pharetram in Gemma Liceti. Quicquid sit, Cupidines *Veneris auri-*gas creditos ex eodem Statio patet, apud quem Amyclaeos Olores

*Jungit Amor, letamque vobens per sidera matrem
Gemmato temone sedet.*

Indeque est quod Horatio L. IV. od. I.

Amor purpureis ales Oloribus.

Canitur: Imò quod *Cygnis descendere* Ovidio idem est, quod *rebus amatoriis finem imponere*, id quod Eruditii ad d. Poëta locum jam dudum notarunt. In Annulo 169. exhibetur

C A R A C A L L A cum L E O N E.



Caracallam, inquit ETASTES, quid probare possit, non video. Inscriptio Gemmæ nulla est. Habitus cernitur militaris potius, quam Imperatorius. Et si ex facie judicium feras, ea minutior est, quam ut certi quid inde elicere possis. Quidni potius Martem hic agnoscam, cuius fortitudinem Leo adumbret? Leo, respondit DULODORUS, licet fortitudinis symbolum credi possit, fortitudo tamen ut in Marte proabetur,

betur, necesse non est. Mihi ut Caracallam hic statuam, non facies, non inscriptio, sed historia suasit, quā Caracalla Leonem circumduxisse, familiariterque cum eo vixisse memoratur; neque enim de alio hoc dixeris quoconque. Audiamus Dionem: ΛΑΦ' & ηὴ ΔΙΦ' θύρας πνὸς ἐξῆλθε, υπὲν μηδὲ τὸ λέοντό, ὃν Αυνάκην ἀνόμαζε, ηὴ ὄμορφά πεζὸν ὄμολινόν τε ἐποιέστο, Φερνίσας, ὃν ηὴ σκεψήσεν αὐλὸν ἐξιόντα ηὴ τὸν ἐθῆτα αὐτὸς περοματέρροσεν. Adhac quum per aliquam portam exiret, nullam rationem babuit Leonis, quem Acinacem nominabat, quemque in suam mensam recipiebat & lectum, quum is ipsum retinuissest exēuntē, ejusque vestem fregisset. Ex his, subjicit ET ASTES, non tantum Caracallam cum Leone versatum, sed & Leonis simul nomen discimus. Id ejus fuit, regessit DULODORUS, quem inter cæteros vel maximè dilexit, quā ratione si eum in Gemma sculptum arbitreri, facile assenserō. Mitis enim Leonis hujus coram Caracalla habitus, singularem quandam familiaritatē non obscurè subinnuit. Quanquam, quod omnino notandum, etiam alios Leones Caracalla circa se habuerit; Ita enim persequitur Dio: Ἐτρεφε μὴ γδη ηὴ ἄλλας λέοντας πολλὰς, ηὴ δει πνας τοῖς αὐλὸι εἰχεν, ἔκεινον ἢ ηὴ δημοσίᾳ πολλάνις κατεφίλα. Alebat Antonius complures Leones, secumque nonnullos habebat semper; Hunc vero publicè sapè deosculabatur. Fateor, inquit ET ASTES, ad Gemmam propositam res apprimè quadrat. Sed miror Caracallam, hic non habitu Imperatorio depingi. Id nihil mirum, respondit DULODORUS. Martem dilexit, indeque eodem planè modō, quō in Gemma visitur, etiam visitur in Nummis. Aspice sequentia:



Utrinque, subjicit ET ASTES, Mars est. Imò, exceptit DULODORUS, potius Antonius, id enim colligas non tantum ex chlamyde, quæ in primo visitur, in posteriore autem deest; sed etiam, & quidem tantum non indubie, ex inscriptione, quæ utique Marti nullò modō quadrat. Illustrissimum Mediobarbum, inquit ET ASTES, hæc Numismata memini ad Memoriam Victoriae Parthicæ, & Ctesiphontis captæ retulisse. Perperam id facit, respondit DULODORUS, omnino enim pertinent ad Securitatem Imperatoris, quam Caracalla in militari robore posuit. Id arguit Nummus eidem Mediobarbo ex Occone repetitus, & sub Caracalla in ipso Principio positus, in quo figura militaris stans dextrâ clypeum, sinistrâ hastam tenens, SECURIT. PERPETUA inscribitur, adeò ut hōc Nummō confirmetur, quod scripsisse apud Dionem legitur: Διὰ τὸ μὴ τοι ηὴ ὅπλα ηὴ εργάτας ἔχω, οὐα μηδὲν τὸν λογοποιημένων οπιζέφομαι. Ideo in armis sum, & habeo apud me milites, ut possim rumores, qui de me

perferuntur, contemnere. Si hæc ita sint, exceptit ETASTES, in Gemma non militari robori tantum, sed & Leonum consortio videbitur confidere. Non abs ratione id opinaris, perrexit DULODORUS: Quanquam Leones in Numismatibus expressi, quos & ipsos Tibi hic monstrare placet,



Non tam ad Securitatem Caracallæ, quam ad eum pertineant, qui Caracallæ, contra Parthos præliaturo, in auxilium properavit. Audiamus Dionem: Αὐτανὸς ὡς καὶ παντελῶς αὐτὸν, ὃς μηδὲ ἐωφέλει, πενεζῆπης, ἐσεμνύνετο. Καὶ μάλιστα ὅτι λέων τῆς ἔχαιφεν ἐξ ὄργες παταδέαμων, συνεμάχησεν αὐτῷ, ὡς ἀδός ἐπέσειλεν. Antoninus quasi omnino superior fuisset, quos ne viderat quidem, se vicisse gloriabatur, tum vero quod Leo, qui improviso de monte descenderat, pro eo pugnasset; nam id in literis scripsit. Leonem cum fulmine radiatum, inquit ETASTES, ego potius ad Acinacem retulero, quod scil. ut Aquila Jovis coelestis, ita hic, utpote Soli sacer, ideoque radiatus, Jovis Romani armiger foret. Opinio ingeniosa est, respondit DULODORUS, sed præferri meretur Tristani sententia, qui ad memoratum modo factum respicit, ei enim suffragantur Trib. P. XIX. & XX. quæ in annum V. C. 966. & sequentem incident, quorum priore bellum Parthicum Antoninus patravit. Satis clarè rem demonstras, subjecit ETASTES, mihi autem mirari subit, unde Caracallæ tanta cum Leonibus familiaritas? Rationem, regessit DULODORUS, idem Tristanus indicat: hæreditariam scilicet ei à patre Severo fuisse. Severus Maurus erat: Mauris autem Leones comites, memorat Aelianus, L. III. c. I. Μαύροι δὲ ἀνδρεῖς οἱ λέων καὶ οὐδὲ ποινῶνται, καὶ πίνεται τῆς αὐλῆς πολὺς ὕδωρ. Duo adhuc mihi querere libet, exceptit ETASTES, primo unde Caracalla Leoni suo nomen Acinacis imposuerit, cum tamen Acinaces Gladii genus fuerit? Deinde, cum & alii Leonibus familiares fuerint, quæ necessitate hæc Caracallam statuamus? Quod ad primam quæstionem attinet, reposuit DULODORUS, fateor me nihil certi habere. Si tamen conjecturis locus, poterit Caracalla ad usum respexisse, indicaturus scil. Leonis familiaritatem sibi tantam securitatem præstiram, quantam alias gladius soleat, sive Acinaces, qui non tantum apud Persas hoc nomine inclaruerat, sed & in Thracia loco Martis colebatur! Poterit etiam ad Leonem Ensiferum in Gemma M. POMPEII respexisse, de quo Plutarchus in ejus Vita, qualisque etiam in Nummis Antonii apud Cel. Patinum in Familiis cernitur. Ad secundam quæstionem respondeo, occurere quidem in historiis varios Leonibus familiares, ad Gemmam autem adeò

19.

adedò non quadrare, ut quadrat Caracalla. Habitum militari hic visitur, adeoque excludit Veneficum illum, de quo Silius:

Harcalo non pavidus fatas mulcere Leones.

Excludit Henricum ferreum, Comitem Holsatiæ, qui seminudus baltheum & gladium gestans, in Anglia sub Eduardo III. emissum in se, Procerum invidiâ, Leonem incolumis in caveam reduxisse, Alb. Crantio memoratur. Ita nec Battum adduxeris, quem cùm antea mutus esset, Leone viso sanatum, Pausanias author est. Nec Hannonenm, quem Leones primum cicurasse, fama retulit; Illum enim metus, Hunc & armatura Romana arcet. Auguriis, perrexit E T A S T E S, Veteres plurimum tribuere. Quid si tale quid & hic concurrat? Leo, respondit D U L O D O R U S, Sandrocotto Regni auspicium dedit, dormientem lambens, linguaque sudorem detergens: quid autem hoc ad Gemmam? Ita & Aldrovandus Leonis occursum bonum homini augurium, Veteribus asserit visum, Licet Alexander ab Alexandro Leonis aspectum famosum & inglorium pronunciaverit, eò quòd itinera infesta sit creditus facere, hostiumq; pugnam sèpè portenderit: Quid autem hoc ad rem? Nonne tutius in Caracalla subsistimus, convenientibus in hoc, & habitu & historia? Sequitur in Gemma 87.

A U R A

Phidolâ dejecto
Cursum in Olympicis perficiens.



Auram, exceptit E T A S T E S, memini Te in Thesauro Brandenburgico protulisse. Sed mihi simplicius Equum contumacem, & dejectò Victore aufugientem, placet statuere; Quis enim rem ad Ludos Olympicos restringeret, nullo omnino eorum indicio rem determinante? Ad Ludos Olympicos, respondit D U L O D O R U S, nuditas Equitis, sub Equo jacentis, nos respicere jubet; Pausanias enim Author est, postquam Callipatira virili ornatu ad Olympicos Ludos penetrâsse, lege sancitum fuisse, ut nudati adessent ad Ludicrum, ipsi etiam Magistri. Et quis nescit, Equestres decursus EQUITIBUS passim nudis, in Marmoribus prostare? In Gemmis 618. 593. & 563. exhibetur

20.

HORTUS ADONIDIS.



Ergo & hic, inquit ETASTES, à vulgari sententia discedis? Discedo, respondit DULODORUS. Quid enim suggerit præter verba? In *prima* Gemma vas cum flore agnoscit, vel qualemque, vel ut denotet Ludos: In *secunda* Floram statuit nudam, ut solet, colligentem flores in vas, ad eos usurpari solitum: In *tertia* Matronam floribus, quibus vas repletum adstat pedibus, & avibus deditam. At, subjecit ETASTES, Ludos per vasa adumbrari insolitum non est: Floram nudam esse, & flores colligere, fabulæ convenit: tandemque & Matronam floribus & avibus operam dare, nec ipsum utique ratione caret: ut taceam Annulum Gorlæi 15. cum quo hæc Gemma admodum convenit. Annulus 15. respondit DULODORUS, cum proposita Gemma nihil commune habet. Spes in eo, & ex herba aut flore, & ex sublata Stolæ lacinia patet; In vase autem spica cernitur, spei scilicet implementum. Quid autem hoc ad propositam Gemmam, in qua nullum omnino spei indicium? nullum nec spicæ vestigium? Quod de vase Ludorum insigni memoras, id admirerem, si palmis Vasculum hoc ornatum esset. Licet enim non Urnæ tantum, sed & Amphoræ Ludorum insignia esse solerent, absque palmis tamen non solebat, id quod videre est ex Morellianis, Epistola prima Per-Illust. SPANHEMII, ubi plura de hoc more. Præmia scil. erant, sed præmia Victoriae, quæ Palmis adumbrabatur. Ita & Floram agnoscerem, si florem in vasculo conspicerem, sed pace Tuâ dixerim, nullibi flos appetet, sed folia recens enata. An hæc, infit ETASTES, Adonidis hortum demonstrent? Omnipotens, regessit DULODORUS, ita enim Plato in Phædro. οὐδὲν ἔχω γεωγός ὁντερεμάτων κηδούτῳ καὶ ἔγκαρπα βέλοιτο γενέθλια, πότερα τετδήν ἀνθέσεις εἰς Αδώνιδον πίπτει αἴρων χαίρει γεωγῶν καλλίς τὸ ιμέραιον ἀντὶ γνομένως· ἡ ταύτα μὲν δὴ παιδιᾶς παῖς ἐστής χάριν δέων αὐτόν, ὅπερ καὶ ποιοῖ. Num Agricola, qui sapiat, semina, que cura haberet, quæque cuperet aliquando fructum adferre, a statis tempore, summò studio, in Adonidis hortos mittet, gaudebitque spectare eos intra dies octo jam pulchros effectos? An ea quidem per lusum ac festi gratia faciet, si quando tamen fecerit? Hortorum Adonidis quidem mentio fit, perrexit ETASTES: Foliorum non fit. At intelliguntur, inquit DULODORUS; Quid enim intra octo dies ex semine nasci poterit? quâve re horti tantillo temporis pulchri poterunt fieri? si non foliis, & quidem tribus ut plurimum illis, quæ primò progerminare solent, quæque in vasculis Gemmarum cernuntur? An in vascu-

vasculis, subjunxit ETASTES, plantabantur Adonidis Horti? Theocritus, exceptit DULODORUS, ea ταλασσοίς vocat, Interpres *Calathos* vertit. Ita enim Idyll. 15. ubi de Adonidis honoribus agit:

Πάρ δ' ἀπαλοὶ κάποι πεφυλαγμένοι ἐν ταλασσοῖς

Αργυρέοις.

Ad sunt οἱ molles hortuli, inclusi calathis

Argenteis.

Ubi nota, hortos *molles* vocari, quod ex semine modo provenissent, εἰώθαστο γέ, uti Scholiares loquitur, ἐν τοῖς Αδωνίοις πυργοῖς καὶ κεράταις απείρειν ἐν τοῖς ωραῖοις, καὶ τὰς Φύλευθέντας καὶ πάγες, Αδωνίας ωραῖοις φέρειν. Solebant enim in Adoniis triticum οἱ bordeum serere, in quodam suburbano, οἱ plantatos HORTOS ADONIDIS appellare. Non in vasculo, inquit ETASTES, sed in suburbano triticum & hordeum hic asseritur seri. Ita est, respondit DULODORUS, sed additur inde plantari Hortos Adonidis, eos scilicet quos Theocritus *inclusos Calathis argenteis* cecinit. Non autem calathis argenteis tantum, sed & aliis vasorum generibus Adonidis Horti inclusi fuére. Theophrastus Hist. Plant. Lib. VI. c. VII. fictilia refert: Αἰρέστον ἢ μᾶλλον διπό ρίζης καὶ παραστάδοι βλαστάνει ἢ διπό αὐξεντῶν ἢ καὶ διπό αὐξεντῶν ωραῖοις ὄστρακοις ἀστερεῖς οἱ Αδωνίδοι καποι. Eustathius ad Odyss. λ. Καποι Αδωνίδοι, inquit, Φυτάσια τὰ χῦ ἀνατάσιλοντα ἔσω χύτρας, ἢ ἀρρίχτης καὶ ὄλως κοφίνης πινός. Horti Adonidis sunt plantae subito regerminantes intra OLLAM aut VAS VIMINUM, οἱ in genere Cophinum; Ubi notandum, non frustra Hortos hos plantas sive φυτάσια vocari: Non frustra cognomini nari αὐατάλλοντα regerminantes; utrinque enim indigitatur, plantas eas ex suburbano, in quo ex semine emergerant, in Ollam, Vas, aut Cophinum translatas esse, & ita regerminasse; id quod Scholiares Theocriti, ut modo vidimus claris verbis docuit: Quanquam alii & in Testis seminatas asseruerint; Ita enim apud Meursium Appendix Vaticana, Proverb. IV. Cent. I. Γίνονται ἢ δύο οἱ κῆποι (τοὺς Αδωνίδοις) εἰς ἀγγεῖα κεράμειας απερέμενοι ἄχει χλόης μόνης. Idem & Zenobius Cent. I. Prov. XLIX. nisi quod loco χλόης μόνης, χλόαις μόνον habeat, quod tamen eodem cadit; Utrinque enim Hortos Adonidis in vasa fictilia seminata, tanūm ad herbam virentem crevisse indigitatur, id quod in nostris Gemmis utique ad oculum patet. At, subjecit ETASTES, an Hortos hos plantarunt fœminæ? Eā ipsā, reposuit DULODORUS, id enim idem Eustathius testatur: γυναικες ἢ τὰς ποιάτρας πηγελάσαι κάπες, ὠσίνιν ὅπλα φίγες Αδωνίδι. Fœminæ, inquit, tales Hortos curabant, quasi essent funebres Adonidi. Addamus & Plutarchum: περὶ τῶν θραδέων τὸ θεῖον πιμωχμένων. αἴλλα μινερής γέτε καὶ κενόσταγος ὁ θεός στένι, ὡς μεδὲν ημῶν ἔχόντων θείον τὸ άντοις, μηδὲ ωραῖοιον ἀμωσγέπως ἀκείνω, καὶ Διαρκεῖς καὶ Βέβαιον, αἴλλα Φύλλοις (ώς Όμης οὐ φη) παραπλησίως διπομαραινομένων παντάπασι καὶ Φθινόνταν ἐν ὀλίγῳ ποιεῖσθαι λόγον τοσῦτον, ὥπατε οἵ τὰς Αδωνίδοις καὶ πάγες ἐπ' ὄστρακοις ποὶ πηγέμεναι, καὶ θεραπεύσασι γυναικες ἐφημέρες ψυχαῖς ἐν σηκῇ τευφερῇ καὶ βίᾳ ρίζαις ιχυζαὶ γέδεχομένη βλαστανθσας, εἴται διποτεννυμένας ἐνθὺς τὸ τυχόντος ωραῖοις. Imò morosior quispiam οἱ levicularum rerum curiosus est Deus, quod cum nihil habeamus diuinum in nobis, neque quod ullo modo ad illius similitudinem accedat, quodque constet, ac stabile perpetuumque sit, quin magis foliorum ritu, quemadmodum ait Homerus, undequaque marcesca-

mus, intereamusque brevi, tantam nostri curam babeat, non aliter quam MULIERES, que ADONIDIS HORTOS, ad dies pauculos vernantes, in TESTULIS quibusdam nutrunt, soventq; animas brevi duraturas, in carne tenera, & solidam vite radicem non recipiente suppulentes, & mox ad quamvis occasionem interituras. Hæc ut ut sint, non tamen Mulieres tantum, sed etiam Viros Adonidis hortos plantasse, Diogenianus Cent. I. Prov. XIV, videtur innuere. Ἐπειδὴ γὰρ Ἀδωνις, ἐρώμενος ὡς μῆθος, τῆς Αφροδίτης, τοῦ οὐλα, οἱ τάντηρ ὀργιάζοντες, καὶ πάντες εἰς ἀγγεῖα πνεύμα φυλεύοντες, ή Φυλεύσται. Quid clarius his dici potest? Fateor, inquit ET ASTES, duo autem mihi adhuc obscura sunt, primò cur altera mulier nuda, altera vestita sit? deinde cur altera aviculam præferat? Si cogites, respondit DULODORUS, hortos Adonidis Veneri sacros fuisse, facile mihi dabis, aviculam illam Columbam esse, utpote quæ & ipsa Veneri dicabatur. Imo nec de nuditate, nec de vestitu dubium moyebis, cum & ipsa Venus inter Antiquitatis reliquias utròque modò haud infrequenter se sifstat. Veneris honori hos Hortos instructos, ex modo allato Diogeniani loco audiyimus. Sed addi potest & Theocritus Idyll. alleg.

Κύπρι Διωναία, τὸ μὲν ἀθανάτων ἀπὸ θνατῶν
Ανθρώπων (ὡς μῆθος) ἐποίσας Βερενίκαν,
Αυβροσίαν ἐσ στῆθος ἀποστάξατα γυναικός.
Τὸν δὲ χαριζούμενα πολυώνομε καὶ πολύνας
‘Α Βερενίκεια Θυγάτηρ, ‘Ελένα ἐικυῖα,
Αρσινόα, πάντεσσι παλοῖς ἀτιτάλλει Ἀδωνιν.
Πᾶρ μὲν οἱ ὄρια πεῖται ὅσα δρυὸς ἄντα Φέροντι,
Πᾶρ δ' ἀπαλοὶ κάποι πεφυλαγμένοι ἐν ταλαρίσκοις
Ἀργυρέοις.

Venus Cypria, filia Diones, Tu immortalē ex mortalib⁹
Hominib⁹ (ut sermo est) fecisti Berenicen,
Ambroſiam inſtillans in pectus mulieris,
Quare Tibi gratificans, ο̄ celeberrima, & multis delubris celebrata,
Berenices filia, Helena ſimilis,
Arſinoë, multifariis bonis ornat Adonidem.
Juxta eum autem matura jacent quecunque ferunt Arborum apices:
Adſunt & MOLLES HORTULI, inclusi CALATHIS
Argenteis. &c.

De Avicula, exceptit ET ASTES, an Columba sit? nescio, annon jure dubitem; Li-
cet enim hæc Veneri ſacra fuerit, in Gemma tamen, ob exiguitatem dignosci non
potest. Quæcunque sit, ſubjecit DULODORUS, certè avis est. Avium autem ge-
nera inter cætera Adonidi ſacrata omnia, idem Theocritus refert:


Παντ' αὐτῷ πετενὰ καὶ ἐρπετὰ τὰδε πάρεστι.
Omnia illi VOLATILIA & reptilia hic adſunt.

Inquit

Inquit in superiora sequentibus. Ex Scholiaсте Theocriti, insit ET ASTES, Triticum & Hordeum in suburbanis satum, indeque in vascilla translatum, Adonidis hortos didici constituisse: Quæsò autem DULODORE, annon folia in Gemmis expressa latiora sunt, quam ut vel Tritici vel Hordei credi possint? Eadem, respondit DULODORUS, in his ratio esse potest, quæ & in iis, quæ Spes præferre solet. Hæc segetem in herba adumbrant, & tamen & ipsa latiora solent effingi, quâm ut vel tritici, vel hordei, vel cujuscunq; frugum generis videri possint: Adeò ut, si in his peccatum sit, utique Sculptorum ea culpa credi debeat; Quanquam ne quid prætermittam, non semper Triticum & Hordeum, sed & Lactuca & Foeniculum hortos Adonidis constituerint.. Testatur Hesychius, cuius en Tibi verba: Αδωνίδῳ μῆποι ἐκ τοῖς Αδωνίοις εἴδωλα ἔχάγονται, καὶ μῆπαι ἐπ' οὐρανῶν, καὶ παιδεῖσθαι ὄπόρεαν, διον ἐπ μαρτύρεων καὶ θεοδάκων πέπονται γένονται τὰς μῆπας, καὶ γὰρ εἰ θεοδάκιναι αὐτὸν καταλιποῦσιν τὸν Αφεδότην Φασιν. Ita & Suidas: Αδωνίδῳ μῆποι, inquit, εἰ θεοδάκων. καὶ μαρτύρεων, ἀπεξ κατέσπειρον εἰ οὐρανοῖς.

Non ausim amplius resistere, inquit ETASTES, Lactucam enim folia latiora habere, inficias non ierim. Qui autem fiebat, ut plantæ hæ tam citò creverint? Causa incrementi, respondit DULODORUS, Calor fuit; Ita enim Simplicius in Phys. Arist. L. V. καὶ στρῶ ἢ Διὸς Θεομήν Σαχὺ Φύεται καὶ ἀνέξεται, εἰ τοῖς Αδωνίδῳ καλυμένοις μῆπαις, τῷ τοῦ θεοδάκηνα καὶ πληθῆναι εἰ τῇ γῇ. - Fuit & cura, cuius brevitas & interitūs causa fuit; Ideo enim curabant aut perderent, adeoque brevem Adonidis vitam adumbrarent. Eustathius rem edocet. Κῆποι Αδωνίδῳ Φυλάχει Σαχὺ ἀναζητοῦσαν οὐδὲ ἀνίσα ρίπτιμενα καὶ θαλάσσης καὶ αφαγίζουσαν καθ' οὐρούποτα πνα τῷ καὶ τὸν αἰώνιον θεάτρον. Οἱ αιδίστας νεοτήτοις Σαχὺ ἀπίνησε, καταβληθεὶς τὸν ἀρέταντον καὶ τὸν μύδον. Horti Adonidis sunt planta subito regerminantes, & statim projecta in mare, & evanescentes, ad similitudinem quandam mortis, quam subiicit, brevis Fati Adonis. Zenobius Cent. I. Prov. XLIX. non in mare, sed in puteos præcipitatos scripsit. Γίνονται ἢ γὰρ οἱ μῆποι τῷ Αδωνίδῳ, εἰς αγγεῖα περάμεναι πειρέμενοι, ἀχει χλόαν μόνον. Εὐφέρειται ἢ ἀμα πλευτῶν τῷ Θεῷ καὶ ρίπτονται εἰς κηρύας. Itane se res habebat? exceptit ETASTES; Non igitur mirabor, qui κῆποι Αδωνίδῳ contra futilis & nugones homines, & voluptatibus ineptis deditos, cuiusmodi sunt Cantores, Sophistæ, Poëtæ, Lascivi, Cupidarii &c. in proverbium abierint; brevis enim ut video & horum delectatio est. Brevis, inquit DULODORUS, & plerumque infructuosa, adeò ut parœmiam etiam hoc modò efferri, horum author Erasmus testetur: αἴαξπόπερ τὸν Αδωνίδῳ κῆποι, infructuosor Adonidis Hortis. Sed de his hactenus. Sequitur ex Gemmis 108. & 664.

24.
D I O M E D E S
Palladium auferens.



Ego, exceptit ET ASTES, non hunc in his Gemmis agnoverim, sed in *prima* Bellonarium, in *secunda* fœminam cum Palladio, qualis typus Nobilitatis esse solebat. Nobilitas, respondit DULODORUS, non Palladium, sed imagunculam præfert, idque idèò, quòd Nobiles jus ponendæ imaginis habuerunt? Adde, quòd nec fœmina in Gemma sit, sed omnino Vir, qualem & in Thesauro Elector. Brandenb. vidimus, eodem ferè habitu, nisi quòd gladium sinistrâ teneat. Plura ibi de Diomede me legisse memini, inquit ET ASTES, idèòque de secunda Gemma eò Tibi faciliùs assurgo: de prima autem, nisi rem eadem claritate doceas, ignoscet, si difficilior fuero. Quid? annon Bellonarium Bellona arguit? annon Bellonarius districto ense adstat, ut se vulneret ex ritu sacerdotii? Si Bellona hic foret, respondit DULODORUS, pro Bellonario sentirem & ego: Cùm autem Palladium sit, non minus ac in altera Gemma, omnino pro Diomede decernerem. Palladium, subjecit ET ASTES, minutum Palladis simulacrum fuit: Palladem autem & Bellonam fuisse eandem, quis nescit? Id quidam credidére, respondit DULODORUS, idque idèò, quod eadem utriusque opera interdum Poëtæ tribuant. Simulacra autem diversa fuisse, inde colligas, quod Tuba, Fax, & Falx, Bellonæ tribuantur, quæ tamen à Pallade alienæ sunt: Ut comam taceam, quam & ipsam sangvine multò spargere mémoratur. Audi Statuum L. IV. Theb.

*Prima mari rutilum de vertice Larissæo
Ostendit BELLONA FACEM.*

Et Silium Italicum L. V. Pun.

*Ipsa facem quatiens ac flavum SANGVINE multo
Sparsa COMAM medias acies BELLONA pererrat.*

Et Claudianum L. II. in Eutropium.

*Quid dudum inflare moraris
Tartaream BELLONA TUBAM? quid stringere FALCEM
Qua populos à stirpe metis?*

Imò, reposuit ET ASTES, etiam Hastam, & Parmam, & Galeam gestâsse legitur, qualiter utique & Pallas. Audi eundem Statuum L. II. Theb. fin.

*Nec magis ardentes Maiores. HASTATAQUE pugne
Impulerit BELLONA Tubas.*

Audi

Audi eundem Claudianum, de IV. Conf. Honorii:

*Jam Trabeam Bellona gerit, PARMAMQUE removit
Et GALEAM.*

Etiam si hoc Tibi cedam, regessit DULODORUS, tamen in proposita Gemma Bellonam esse, cedere non possum. Palladem sive Minervam, ingenium bellicum: Bellonam autem, furorem bellicum denotare, Cartarius docet. Hac differentia ad distinguenda Palladis & Bellonæ simulacula admodum necessaria est; Ut enim Ingenium interdum furore corripitur, unde Minerva in ipso bellandi actu etiam credi potest expressa, qualiter in Domitianus Nummis occurrit: Ita & furor interdum Ingenii speciem induit, & inde poterit hastam & Clypeum & Cassidem mereri, sed tamen non poterit extra bellandi actum effigiari. Nam hic Bellonæ proprius est. Et ex his constat, fœminam galeatam, sinistrâ Clypeum tenentem, dextrâ autem hastam torquentem, rite & Palladem, & Bellonam vocari; fœminam autem habitu pacifico stantem, licet & Galea & Clypeo & Hasta armatam, qualis in Gemma nostra visitur, Palladem quidem esse, Bellonam autem nullô modô esse; deficit enim furor bellicosus, sine quo Bellona intelligi non potest. Profundè philosopharis, inquit ET ASTES, si verè, me cecidisse fatebor; Quanquam nondum intelligam, quomodo ad Diomedem adstans aræ figura reduci possit? Diomedes cum Palladium auferret, galeatus fuit, & ita etiam apud Eruditissimum Fabrettum in Tab. Iliacâ pingitur. Galea non obstat, respondit DULODORUS, cum utique capite nudo non tantum in Gemma prima occurrat, sed etiam in ea, quam in Thesauro Elector. Brandenb. protuli. In utraque, exceptit ET ASTES, aræ insidet Diomedes, Palladiumque jam manu præfert, in proposito autem manum dextram capitum imponit, sinistrâ gladium tenet. De gladio, subjecit DULODORUS, dubium non est. Fabella, quâ Diomedes Ulysses gladio ante se egisse apud Photium Cononi memoratur, rem abundè demonstrat. Manus capitum imposita fortassis Pietatem Diomedis, fortassis etiam lætitiam demonstrat. Qui Minervam ubique & coluit & adjutricem habuit, uti videre est ex precatione ejus, apud Homerum Il. K. v. 283. seqq. credibile non est, Palladium non propitiato Numine attigisse. Propitiatum Numen vel inde colligas, quod Quintus Smyrnaeus Minervam volentem abstractam cecinit:

Αρπάξας ἐθέλουσαν ἐύφρονα Τριτογένειαν.

Abstrahens (Diomedes) volentem sapientem Minervam.

Inquit Lib. X. v. 353.

Hæc si ita sint, perrexit ET ASTES, qui fit, ut aliis Scriptoribus factum culpetur, tanquam sceleratum?

*Tyrides sed enim, scelerumque inventor Ulysses
Fatale aggressi sacrato avellere templo
Palladium, casis summae custodibus arcis
Corripuere sacram effigiem, manibusque cruentis
Virgineas ausi Divæ contingere vittas.*

Inquit Virgilius Æn. II. v. 163. seqq. Virgilius, regessit DULODORUS, hoc loco Æneam Græcorum hostem inducit, quem quid mirum est factum carpere? Sed si hoc

displacet, non tamen displicebit, quod de lætitia dixi, quam procul dubio Diomedes sensit, cum voti se jam compotem juxta Palladium intelligeret: Herculem se ipsum ob Victoriam Olympicam coronantem, eodem modō in Numismate inter selecta Cardinalis Maximi cernimus: Eodem modō & sacrum Agonem, in Numismate Commodi Thesauri Electoralis Brandenburgici, quod & ipsum in specimine Cl. Morellii exstat: Non futili arguento, & Diomedem hīc adumbrari, eō modō, quō Palladio jam vicinus se voti & victoriae quasi compotem sentiens, vel Deam propitiaverit, vel certè meriti Coronam sibi imposuerit. In sequenti Gemma 6. visitur

OBLATIO Primitiarum.



Gemma hæc, inquit ETASTES, mihi notabilis videtur; Quid enim si Nuptiæ per confarreationem, junctis coeuntium manibus, eā exhibeantur? Nescio an assertum tueri possis, respondit DULODORUS. Et quidni? perrexit ETASTES. Annon Sponsa far frugesque in Altari ignibus imponit? Annon Sponsus affundit aquam? Annon iis, ad Sacri solennitatem, ritè augendam adest Tibicen, & velut Juno Pronuba, cum Sceptro, apportans canistrum frugibus plenum? Si dubitas, consule Lipsium ad Taciti Annales Lib. IV. c. 16. Consului Lipsium, infit DULODORUS, sed nihil, quod ad rem facere posset, inveni. Nihil? mirabundus subjecit ETASTES. Annon farre Nuptias fieri dicit, cum per Pontificem Maximum & Dialem Flaminem, per fruges & molam falsam conjunguntur? Annon confarrationem eō ritu ait perfici, ut aqua & igni adhibitis, duobus maximis instrumentis, Natura conjuncta videatur? Id fateor, reposuit DULODORUS, quid autem hoc ad Gemmam? Quid? regessit ETASTES, annon fruges? annon & aqua & ignis in Gemma ad oculum patent? Pateant, inquit DULODORUS, in Gemma tamen Nuptias confarreatas non evincunt; Cūm tamen & manus junctæ sint? excepit ETASTES; Neque enim lævas arbitaberis, cūm ceris expressæ dextræ forent, id quod Sculptor observare debuisset. Res dubia est, respondit DULODORUS, mihi sanè hæc mantuum, non tam conjunctio, quām lotio videtur, quam in Sacrificiis receptam, ex Hesiodo in Operib. docemur:

Μηδέ ποτ' ἐξ νοῦς Διὶ λείβειν ἀθόπα θίνον
Χερσίν ἀνίπτοισιν, μηδ' ἄλλοις ἀθανάτοισιν.

Neque

*Neque unquam manū Jovi libato nigrum vinum
Manibus illotis, neque aliis immortalibus.*

Si manus junctæ rem non confiant, subjicit ETASTES, in reliquis nescio an firmi quid pro Nuptiis confarreatis invenire possim; neque enim Sellæ jugatæ, ovilique pelle instratæ, hîc visuntur: neque velata nubentium capita, quæ tamen & ipsa, Lipsio teste, ad Nuptias confarreatas requirebantur: Nec est quod Solis Pontificibus has cum Cl. Pfeiffero addicam, cùm hâc ratione causâ apertè casurus sim, utpote quòd ne minimum quidem Pontificii ornatûs vestigium in Gemma sit. Solis Pontificibus, reposuit DULODORUS, Nuptias confarreatas non addicerem: Imò nec Sellas ovili pelle instratas de essentia earum arbitrer, adeò ut hinc à me nihil metuendum sit: Quanquam, ut verum fatear, nec in habitu aliquid Nuptiale emineat; Utterque enim Sacrificantium discinctus est, non minus ac Tibicen, id quod nos admonere potest illius Virgilii,

Unum exuta pedem vinclis in veste recinctā:

Ad quem locum Servianæ Schedæ Danielis: Solent, inquit, *& resolutoria Sacrificia ab Auspicibus fieri, & ad Junonis Lucinæ sacra non licet accedere, nisi solutis nodis.* Junonis? exceptit ETASTES; At hæc in Gemma indubia est. Nihil minus, respondit DULODORUS, licet enim Sceptrum tale quid arguere videatur, indignum tamen foret, Dearum Deorumque Reginam canistrum frugibus plenum apportare, adeòque Sacrificii ministram agere. At, inquit ETASTES, præterquam Junoni resolutoria sacrificia non fiebant? Imò & aliis Diis, respondit DULODORUS, nam apud Tibullum El. V. L. I. Poëta:

*Ipse ego velatus filo tunicisque solutis
Vota novem Triria nocte silente dedi.*

Sceptrum, subjicit ETASTES, mihi firmissima basis est; Hoc enim nisi Deorum Reginæ non convenit. Et quis pro Sceptro, reposuit DULODORUS, indubiè hoc sumat? Idem sanè gestat apud Gorlæum etiam in Gemma 16. fœmina laurum adurens, quæ procul dubio rustica est, mutuaturque lucem ex illo Tibulli:

*At Laurus bona signa dedit, gaudete Coloni:
Distendet spicis horrea plena Ceres.*

Nisi fallor, inquit ETASTES, caput etiam coronatum cernitur. Non aliter, respondit DULODORUS, ac apud Virgilium,

Copa Syrisca caput GRAJA redimita MITELLA:

Scil. fœminam quandam, rure fruges apportantem, hanc arbitrer. Sed id ad rem parum. Præcipuum contra Nuptias confarreatas argumentum, Spicæ sunt. Spicæ? mirabundus iteravit ETASTES. Has ego præcipuum argumentum pro confarreatione arbitrabar. Quo jure id feceris, inquit DULODORUS, ipse videris. Ad Nuptias confarreatas sanè non spicæ adhibebantur, sed FARREUM, à quo & appellatio descendit. Audi Plinium: *In Sacris, inquit, nibil religiosius CONFARREATIONIS vinculo erat, novaque Nuptæ FARREUM præferebant.* Sit ita, exceptit ETASTES, sed dilucidandum quid farreum sit? Farreum, regessit DULODORUS, si Festo credis, fuit Libi genus, ex farre factum. Dionysius Halicarnassæus ejusmodi Nuptias à farris communi-

nione, *noīavīa*, *farracia* dictas author est: à communione, inquam, id quod Rosinus & Stuckius eò intelligunt, quod Conjuges eòdem farre vescerentur, & Victimas respergerent, quod utique in crudis frugibus credibile non est. Ulpianus rem clarus docet: *Farre, inquit, convenitur in manum certis verbis, & testibus decem presentibus, & solemnī sacrificio facto, in quo PANIS FAREEUS adbibetur.* En! panem farreum nominat, non spicas, quales in Gemma visuntur, adeò ut ex omnibus hactenus dictis luce meridianā clarus sit, non confarreationem hic adumbrari, sed omnino frugum primitias offerri, non minus ac numero 101. & 209. De frugum primitiis, inquit ETASTES, res obscura non est, constat enim ex Porphyrio Lib. de Abstinentia 4. etiam priscis Atheniensibus id Sacrificii genus in usu fuisse; Et de more Romano est Tibulli versus:

*Illa Deo sciet agricola provitibus Uvam,
Pro segete spicas, pro grege ferre dapem.*

Ego autem de Nuptiis confarreatis plenius informari cupio. An harum inter Antiquitatis reliquias nulla prostat imago? Me judice prostat, respondit DULODORUS, & quidem in sequenti Marmore:



Marmor hoc, subjecit ETASTES, à Sancto Bartolo inter Admiranda Romanorum delineatum vidi, meminique à Celeberrimo Bellorio esse illustratum; Sed ille, licet de Nuptiis fateatur, de Nuptiis confarreatis tamen ne verbum quidem habet. Et qui posset, respondit DULODORUS, cùm in manu Sponsæ Turturem crederet, quem & Sanct. Bartolus delineavit? An res aliter se habet? interrogavit ETASTES. Habet, regessit DULODORUS; Pighius enim, ex cuius schedis hoc Marmor vulgamus, non Turturem, sed FARREUM in manu Sponsæ delineavit, aperto argumento, Nuptias confarreas in Marmore exhiberi. Pighius, inquit ETASTES, Marmor mutilum dedit, at Sanctus Bartolus dedit integrum. Quid inde colligas, si non majorem Bartolo quam

quam Pighio fidem esse habendam? Imò contra, respondit DULODORUS. Bartolus Pighio posterior fuit, cùmque Marmor jam Pighii àtate mutilum fuerit, quomo-
do potuit à Bartolo integrum delineari? Annon hinc patet, Bartolum fragmenta sup-
plevisse, adeoque fidem ejus Pighio inferiorem esse? Solemnem Nuptiarum hic ritum
adumbrari, inquit ET ASTES, negare non ausim. Sponsus & sponsa invicem de-
xtras jungunt, hæc flammeo velata, Ille capite detecto: Pronuba Juno utrumque,
amplexa connubio jungit stabili: Adest Hymenæus, seu Puer genialis, præferens fa-
cem. Ad aram Sponsus velato capite sacrificat, Sponsa autem capite detecto visitur,
adduciturque ad aram Ovis: sequitur mulier cum ferta, quô postes ornabant, inde
nuncius volumen Nuptialis carminis tenet, ultimaque est Concordia sive Cybele, cu-
jus vim generationi inesse credebant. Cautè incedis, exceptit DULODORUS. No-
tandum autem, Sanctum Bartolum ante aram virum, sacrificantem & è canistro flores
& poma, in Nuptiis spargi solita, depromentem finxisse, quòd in nostro defit: Notan-
dum, ad columnas eum Camillum cum acerra, & Tibicinem fecisse, qui licet eos non
negemus, tamen in nostro Marmore nosci non possunt: Notandum, figuræ retrò
sponsum & sponsam à Bellorio determinatas non esse, quos tamen pronubos & pro-
nubas, haud forsitan ab ratione credimus. De his si plura desideres, adi Eruditissimum
Pfeifferum in Antiquitatibus Græcis L.XII. c.13. Non hoc me angit, infit ETASTES.
De Ove vellem audire; Hanc enim non Talasionis tantum ac lanificii fuisse argumen-
tum, sed & sacrificio oblatam, Bellorius arbitratur, cùm tamen in Nuptiis porcam
mactare, solenne fuerit. Id Nuptiarum initio siebat, respondit DULODORUS. Ita
enim Varro L.II. de re Rust. *Nuptiarum initio antiqui Reges ac sublimes viri in Etruria*
in conjunctione Nuptiali nova Nupta & novus Maritus primum PORCAM immolabant.
Imò ante Nuptias, uti ex Jul. Polluce, L.III. Onom. c.3. n.4. patet. Η ἡ τε γάμος
θυσία, τερπέλεια καὶ τεργάμεια. Περπλέως ἢ ἐλέγοντο εἰ μόνον αἱ Νύμφαι αὐλαὶ τοῖς
Νύμφοις, &c. Sacrificia ante Nuptias facta τερπέλεια primordia & τεργάμεια, ante
Nuptialia, vocantur. Initiari verò non modo Sponsæ, sed & Sponsi dicebantur. Vides
ETASTA, Sacrificium Porcæ, Sacrificium Ovis non excludere, non minus ac Tauri
aut Vaccæ. Ut enim illam Veneri, ita Taurum Jovi & Junoni, Vaccam Lucinæ, Con-
cordiæ Ovem videntur obtulisse: Idque secundum Senecam Tragicum in Medea,
ubi Chorus:

Ad Regum thalamos Numinis prospero,
Qui cœlum superi, qui que regunt fretum
Adsint, cum populis ritè faventibus.
Primus SCEPTRIFERIS colla TONANTIBUS
TAURUS celsa ferat tergore candido:
LUCINAM nivei FOEMINA corporis
Intentata jugo placet, & asperi
Martis sanguineas quo coibet manus,
Quæ dat belligeris fœdera Gentibus,
Et CORNU reinet divite COPIAM,
Donetur TENERA mitior HOSTIA.

Apositè hoc, inquit ETASTES, ad Concordiam in Marmore expressam. Cornu sanè, cum divite copia, ea apertè retinet, quid autem turrita est? Corona turrita, respondit DULODORUS, Cybeles indicium est, ut rectè censet Bellorius, ejus enim index est & Nux pinea in cornu copiæ: Neque miraberis ejusmodi conjunctionem, cùm diverorum Deorum insignia in signis Pantheis notissima sint. De Ove autem omnino est notandum, etiam in hoc pro Nuptiis confarreatis argumentum latere, modo verum sit, quod Lipsius observat: *In Nuptiis confarreatis Sellas tingatas Ovili pelle instratas fuisse, ejus Ovis, quæ hostia fuerit.* Sed ad alia pergitus. In Gemma 673. est

I D O L U M S O L I S.



Cautius agerem, inquit ETASTES, simulacrum agnoscendo basi insistens, Pileo, Face & Clypeo instructum, ad quod accedit mulier item pileata, crinibus passis. An hoc non sufficit? Non arbitror, infit DULODORUS, hoc enim est verba dare, non causam, non originem inquirere. Sed, excepit ETASTES, unde Tu simulacrum hoc, Idolum Solis probabis esse? cùm tamen nullibi Sol hòc modò adumbretur? Nullibi? subjecit DULODORUS, at non multum differunt simulacula Mithriaca. Taurum ea mactare solent, reposuit ETASTES, non Facem, non Clypeum præferre. Addo & Pilei differentiam: In simulacris Mithriacis Phrygius esse solet, in proposito autem Græcus videtur. De Pileo facilè Tibi cesserim, perrexit DULODORUS, cùm non Ulyssem tantum, sed & Dioscuros talibus insignes videam; Cùm autem in Dioscuris Pileus quibusdam alterum Terræ hemispherium designet, quidni idem statuamus in hoc Idolo Solis, cum Sol alterum tantum hemispherium fulgore complectatur? Quid autem de face dices? subjecit ETASTES. Annon hæc Phosphorum potius aut Hesperum designabit, quibus in Tabulis Mithriacis Lampades dari in confessu est? Si Lampas sola esset, regessit DULODORUS, assurerem placito: Cùm & Clypeus junctus sit, pro Sole decernendum arbitror; Soli enim & facem & Clypeum datum, apud Martianum Capellam, de Nuptiis Philologiae, me legisse memini. De simulacro Solis inter cætera, *Sinistrâ autem manu, inquit, Clypeum coruscantem, dextrâ ardentem Facem præferebat.* Martianus Capella, inquit ETASTES, non facem tantum, & Clypeum Soli tribuit, sed & Coronam radiatam, Gemmisque pluribus ornatam, pedesq; alatos, & pallium coccineum, quæ in nostra Gemma non visuntur. Qualiverò, respondit

spondit DULODORUS, omnia Solis ornamenta necesse fuerit effingere? Annon sufficerint præcipua? *Fax & Clypeus*, quorum illa ardorem, hic figuram ejus denotat? Ita enim Interpres Capellæ: *Per Clypeum, inquit, formam accepimus, qua nobis videtur ancilis modum non excedere.* *Clypeus autem dicitur à Gracorum κλέπῳ Σάρπαῖ,* sive ab eo quod est FURARI CORPORA, vel à CLUO, quod est DEFENDO. *Facem autem ejus intelligemus multitudinem ardentium;* Sed & illud notandum, in Gemma Idolum hoc eodem modo insignia hæc gestare, quò & Sol apud Capellam, dextrâ scilicet facem, sinistrâ autem Clypeum. An hoc, exceptit ET ASTES, certâ ratione, an temerè factum sit? videtur adhuc dubitari posse: Imò non potest, respondit DULODORUS, Ita enim pergit item Interpres. *Quod hanc (scil. facem) Sol in dextrâ, illum autem (Clypeum) in sinistra habet, modum armis sustinendis servavit, vel forte quia Clypeum semper secum tenet, facem autem amittere debet, atque ideo dextrâ, qua agilior, ea sustentatur.* Quicquid sit, inquit ET ASTES, Coronam radiatam, & alatos pedes, & pallium hic deesse video. *Quod ad alatos pedes attinet, regessit DULODORUS, hos nullibi Solis simulacula præferunt, & si vera sit hypothesis eorum, qui Solem stare, Terram autem moveri perhibent, nescio quid alæ Solis simulacris affictæ, denotare possint?* adeò ut hinc apertè constet, alatos pedes necessariò non requiri, affingi tamen posse, ut celeritas motûs adumbretur, quaë Soli communiter tribuitur. Ad Coronam radiatam quod attinet, ea apud Martianum Capellam aliud non videtur indigitare, quàm duodecim menses; ideo enim duodecim radiis, & totidem Gemmis, dicitur insignis esse. Cùm autem annum in menses distinguere, secundaria Solis operatio sit, utique constat, coronam radiatam præcipuis Solis ornamenti accenseri non debere, idque eō minus, quò clarius in simulacro extensa fax operationem primariam refert, Lucis scilicet, sine qua Sol ne intelligi quidem potest. De Pallio non arbitror pluribus dicendum. Ipse enim ab Idoli tergo etiam in Gemma id videoas dependere. In Annulo 201.

VITA Justorum, militia




Adumbratur; Nam Caligam militarem hanc esse facile credidero. Id mirum, inquit ET ASTES; Quid enim militaris Caliga ad foeminam Christianam? In B. Agnetis Coemiterio Annulum hunc inventum, Bosius testatur in Roma subterranea, ex qua Annulus

Jus desumtu*s* est: Indeque, quid si non Caliga militaris hæc videatur, sed Solea, quam apud Veteres fœminis in usu fuisse, Balduinus latè demonstrat? Non assentior, respondit DULODORUS, Caligam enim militarem clavi, in eo apertissimè notati, arguunt: Clavi, qui in solea propriè sic dicta non occurunt, quibusque, tantum non solis, à solea militaris caliga distinguitur. Negare non ausim, exceptit ET ASTES; apud allegatum enim Balduinum caligam militarem clavis suffixam vidisse memini; Quid autem hoc ad fœminam Christianam? Ut innuatur, regessit DULODORUS, Justorum, ut dixi, vitam militiam esse: Militant nempe contra peccatum, contra Satanam, & contra propriam carnem. Hanc Justorum militiam esse, perrexit ET ASTES, inficias non ferim; Cur autem Caligæ militaris ea symbolo præfiguretur, non video. Quidni potius vel Casside, vel Thorace, vel Clypeo, vel Gladio, notioribus militiæ insignibus? Ratio in promptu est, reposuit DULODORUS: Nihil in Sacris communius est, quam vitæ cum ambulatione comparatio; Ad vitam igitur, & quidem militiæ plenam, exprimendam, quod symbolum concinnius eō, quod ambulationis & quidem militaris instrumentum est? Ita ad vitam militarem symbolum reducitur, infit ET ASTES, an autem ad vitam Justorum? dubitem. Quod dubites, subjicit DULODORUS, causa non est, cùm utique inscriptio JUSTUS rem apertè determinet. Quasi verò, inquit ET ASTES, vocabulum hoc necessariò appellativum sit, quid si nomen proprium? Et quidem ejus, qui Annulo hoc signavit? Id locus respuit, regessit DULODORUS; Vix enim credibile est, profani militis insigne in Virginis Christianæ sepulchro conditum fuisse. Sed ecce! In Annulo 202.

S A L U S

Christianorum



Se sifit. Etiam hunc Annulum proponis? inquit ET ASTES. Quæ rei ratio? An satis dilucidatus non est? Atqui Annulus Christianus cum salutari nomine ex Roma Subterranea vocatur: Et quid addi poterat? Multa, respondit DULODORUS; Quanquam præcipua causa, ut denuò proponendum censeam non tam obscuritas sit, quam Sculptræ in recuso Gorlæo, ab eo differentia, qui in Roma subterranea exhibetur. In recuso Gorlæo, loco Serpentis puer alatus cruci adstans exprimitur, subscriptumque vocabu-

Vocabulum SALUS omnino omittitur, cum tamen in Roma Subterranea Annulus hic eō planè modō occurrat, quō hic eum delineatum exhibeo. Si hoc ita sit, exceptit ETASTES, optimè sanè facis, quod Publico illudi non sinis; Ipse enim dubius fui, quī Cupido ad Crucem Christianam quadraret? Cupido mihi non videbatur, repousuit DULODORUS, sed vel Angelus, vel Anima. Bosius autem, & Aringhius, alter docuēre. Serpens, perrexit ETASTES, Cruci salutiferæ apprimè quadrat, non tantum quod symbolum is Salutis etiam Ethnicis fuerit, sed etiam quod æneum illum Serpentem, Christi Prototypon, designare possit, cuius adspectus à morsu Serpentum igneorum Israelitas salvos præsttit. Ratio hæc, subjecit DULODORUS, mihi potior videtur, quam Aringhii, qui ad Sathanam, veterem illum Draconem, virtute Crucis devictum respicit; licet enim in Numismatibus eum sub Cruce aliquando occurrere non negem, Æneum tamen Serpentem subscriptio arguit. Columbae, infit ETASTES, adhuc dubium movent, videlicet annon Serpens hic ad has pertineat, junctisque his exprimatur Servatoris præceptum: *Estate prudentes ut Serpentes, & simplices ut Columbae?* Aringhius etiam hanc rationem adducit, respondit DULODORUS, cum autem eodem demonstrante Columbae Piorum symbolum sint, & n. Columbae, in alio monumento Cruci tessellatae appositæ, duodecim Apostolos designârint, nihil dubitarem etiam hic Pios intelligere, Christi scil. crucifixi fiduciâ salvos. Fortassis, inquit ETASTES, ut in allegato n. Apostolos, ita & hic Mariam & Johannem, quos Christus Cruci affixus allocutus memoratur. Nisi omnium piorum, respondit DULODORUS, hos locum arbitris tenere, non dixeris; Non enim hi tantum, sed omnis Piorum cœtus, meritò Christi Salutem spirant: Christi, qui ut æneus Serpens, ita & a & o, quæ afficta sunt, id est, principium & finis est, ut ipse se vocat, in Apocal. Joh. Hoc obscurum non est, inquit ETASTES, imò nec monogramma; tali enim Christi nomen in Numismatibus Imperatorum Christianorum frequentissimè pingitur, sed huic Monogrammati adhuc litera T. videtur imposita. Hæc quid quæsto designet? Ipsam Crucem, respondit DULODORUS, de qua re cum Docti sufficienter docuerint, ego taceo; præsertim cum in Annulo 5. & Gemma 83. enodandum sit,

FIDES PUBLICA

Cur Spicas & Calathum cum frugibus præferat?



E



Ratio

Ratio incognita non est, exceptit ETASTES. Augustini sententia innotuit. Innotuit & Tua, qui rejecto Augustinō fidem respectu Personarum publicam dici statuis, fidei proprium esse asseris, ut ea rerum publicarum felicitatem contineat. Innotuit & eorum, qui fruges fidei publicae ideo afficias arbitrati sunt, quod in Sacris ei fuerint oblatæ; Sed mihi nihil horum satisfacit. Fides enim publica non alia videri potest, quam cui contrarium dicit Quintilianus in Declamatione XII. Non enim vulgaris ista labes frumenti fuit, nec qualis alias ab Agricolis accusari solet, perfidia terrarum, & ingratæ messis irritus labor. Et de qua Plinius L. II. Hist. Nat. c. 63. terram laudans, quam bonâ fide creditum fœnus reddidit. Quid clarius ad rem dici potest? Nihil video, inquit DULODORUS. Ex Cicerone ego, fidem dictorum conventorumque constantiam & veritatem didici definiri, indeque appellatam, quod fiat, quod dictum est: Quæ autem conventa, quæ dicta, adeoque quæ Fides terrarum, propriè intelligi possunt? An non ex his Ciceronis apertissimum est, fidem de terra allegatis in Quintiliani & Plinii locis impropriè & usurpari, adeoque simulacro causam dedisse non posse? Aliter cum Cicerone Sallustius non uno in loco. Fidem publicam eam appellat, quam personæ publicæ præstant. L. Tarquinius, inquit, in Senatum adductus, cum se diceret de Conjuratione indicaturum, si FIDES PUBLICA data esset, jussus à CONSULE, quæ sciret, edicere. Fides publica, exceptit ETASTES, hoc loco pro eo sumitur, quod vulgo saluum conductum vocamus, quid autem hoc ad figuram fidei publicæ cum spicis & calatho frugifero, in Gemmis & Numismatibus expressæ? Minimum, respondit DULODORUS, illud ex hoc loco patet, fidem publicam à Personis publicis præstari solere; Fides enim publica à Consule, & postulata & data memoratur: Consulem autem Personam publicam esse quis ignorat? Aliter mihi videtur, subjecit ETASTES; Spicæ enim & calathus in fide publica quidni personarum etiam privatarum, & rerum æque privatarum privatorumque esse possint? Non arbitror, regessit DULODORUS, qum utique ipsum fidei hujus Epitheton privatos amoveat. Id adeo verum est, ut ne quidem eō sensu hæc Privatorum esse, opinari possimus, quod per fidem publicam privatis tribuantur; ex quo enim tributa sunt, fidei publicæ esse desinunt. Potius Fides publica hoc in schemate ideo & canistrum frugibus plenum credi debet præferre, quod Personæ publicæ ad tribuendam Reipublicæ felicitatem se obligare soleant. Hæc equidem dicis, infit ETASTES, sed velim etiam probes. Unicò, subjunxit DULODORUS, testimonio rem perfecero. Quid dices ad Numisma Plotinæ, quod hic appono,



Jamdudum ab Angelono vulgatum? Annon in hoc eadem Fidei publicæ figura, quæ & in Gemma, & aliis Numismatibus visitur? At hæc non FIDES TERRARUM, non fides privatæ alicujus vel Personæ vel rei, sed FIDES AUGUSTI inscribitur, Augusti, qui ut publica persona est, ita & publicè se obligare solet: Et ad quid? Nonne ad felicitatem publicam & procurandam & conservandam? Felicitatem publicam, inquam, cuius fruges & spicas symbolum esse, ad Gemmam Gorlæ VI. utique indubium est. Hæc si ita sint, inquit ETASTES, quid judicii feram de Gemma ea, in qua fulmen fidei publicæ junctum est? Annon hoc factum est, ut ab aëre dependere id totum intelligeretur? Tuæ hypothesi inservis, respondit DULODORUS, reverà autem fulmen, symbolum Providentiæ est, uti in vulgus patet: Et quām concinnè Providentia, fidei publicæ, sive Augusti jungitur, cùm hujus ex providentiâ felicitas publica exsurgat? Sed hæc hactenus. Colophonis loco subjicio

VULGARIA QUAEDAM.



Si vulgaria sint, inquit ETASTES, quid necesse est ea denuò adducere? Vulgaria sunt Peritis, respondit DULODORUS, cùm autem Libri ejusmodi non his tantum, sed & aliis publicentur, præcavendum utique, ne quis rerum minus adhuc peritus in errorem inducatur. Pastor in *priore* Gemma Caprum, animal arboribus noxiū observat, adeoque non tantum pascit, sed & cavet, ne quid detrimenti det. Mira sapientia! exclaniavit ETASTES, qualiverò non id potius hīc exprimatur, quod Hyginus fab. 274. *Caper vitem, quam præroserat, plenius fructum protulit, unde etiam putationem*

invenerunt; Annon enim hoc, sicut ab Hygino de Vite narratur, ita ab aliis de Olea & narratum & creditum videtur? certe à Sculpore Gemmæ nostræ, & tot aliarum? Rationes hæc, regessit DULODORUS, liceat fateri quod res est, sanè perquam fragiles sunt; Quis enim non videt, aliud statuendum in Capro vitem rodente, aliud in Capro arbore infesto? Vitem quod roserit Caper, uberrimas uves provenisse, Hyginus aperte ait, indeque putationis, vitium scilicet originem arbitratur descendisse: Quanquam hoc, Pausaniæ in Corinthiacis teste, Naupliae incolæ de Asino memorârint. Sed esto! credamus de Capro; Talem enim & in sequenti MSCti Pighiani Marmore cernimus



Sed an idem etiam extendere licebit ad Oleam, aliasve arbores? Neutiquam! Hæc enim à Capris arrosæ non feraciores fiunt, sed damnum capiunt & emoriuntur, id quod in Thesauro Elect. Brandenb. & ex Plinio & ex Theocrito demonstravi. Hæc cùm ita sint, utique nec putationem inde deducere licebit, nec etiam causa erit, cur me poenitere beat sapientia illius mira, quæ officium pastoris his in Gemmis adumbri dixi, quod scilicet non sufficiat, ut greges pascantur, sed videndum etiam sit, ne quid detrimenti dent. Optarem potius, ut simili etiam alii uterentur, calamoque tutius agerent, nec tantum cupidas aures pascerent, sed & sedulò caverent, ne sanctissimis veritatis fontibus aliquid damni inferrent. Ex hac tenus dictis, excepit ETASTES, à vulgata sententia dimoveor. Imò etiam ex dicendis, respondit DULODORUS; Quid enim est, quod in Gemma secunda, Hora statuitur, allegatis in rei fidem Angelono & Ant. Augustino, cùm tamen apud utrumque globus, quem figura hæc prætendit, deficiat? Scilicet non Hora hæc est, sed Æternitas, quæ eodem planè modō, quo hic visitur, cùm velo scilicet circum caput volitante, & globo dextrâ prætenso, in Nummo Faustinae apud Biæum T. 43. ÆTERNITAS inscribitur. Sed quid ad Gemmam tertiam? quæ sivit ETASTES. Caput hoc, respondit DULODORUS, Libero Patri addicitur, cum tamen floribus redimitum sit, adeoque non Bacchum, sed Floram aperte referat. In quarta Gemma, subjicit ETASTES, Sphingem typum Ægypti video, an etiam hic opinionem carpis? Carpo, subjunxit DULODORUS; Sphinx enim alata est,

est, quales Ægyptiæ non fuere. Potius ad Augustum referrem, qui Sphinge pro sigillo usus, Suetonio memoratur: Nisi etiam ad Chios respicias, qui Sphingem ob Homeri Natales etiam Numismatibus expressere: Aut in ænigmatum involucris subsistas, quæ Sphingis simulacro expressa, Eruditæ jam dudum observarunt. An idem error, interrogavit ETASTES, etiam in Marte est, qui in Gemma *quinta* visitur, nam & hunc Te producere video? Ideo id sit, subjecit DULODORUS, quia, procul dubio ob adjectum Scorpiorum, aliquis Africanorum eō creditur notari, cùm tamen stella in Clypeo, Martem Planetam hīc exprimi, apertè arguat: Martem inquam, de quo, uti jam in Spicilegio monui, Manilius cecinit:

Mavortii Scopius heret.

Quid clarius ad Gemmam dici potest? Fateor, inquit ETASTES, & jam gestio etiam de reliquis Tuam sententiam audire. In Gemma *sexta*, excepit DULODORUS, agnoscent Leonem cum Gallinaceo, super quem transfiliat: opinanturque, eos simul decurrere; cum tamen Gallinaceus lento omnino passu procedat, productoque collo & capite protenso, cantantis speciem referat, adeo ut Leonem Galli cantum formidantem, id quod vulgo innotuit, quin Gemma adumbret, ne dubitare quidem possis. Res aperta est, inquit ETASTES, & miror animadversam non esse. In Gemma *septima*, perrexit DULODORUS, non minor negligentia est. Salutem arbitrantur, citato n. 39. Sed magna utrinque est differentia. Numero 39. Serpens bacillo circumvolvit, sed hīc capite deorsum versò papillam mordet, adeo ut Cleopatram hanc, aut aliam quandam Aspidis morsi deficiente fœminam omnino agnoscere debeamus. Nisi fallor, excepit ETASTES, etiam ex vultu moribunda intelligitur. Quid autem Gemma *octava*, nonne Avem ea expressam cùm Gorlæus alitem Jovis explanaret, ex rostro corvum esse, acutè omnino demonstratum est? Cornicem ego statuo, respondit DULODORUS, qui Concordiæ Maritalis symbolum fuit. Hoc ut arbitrer, adjectum sceptrum mihi suadet, cùm hoc Junonis insigne sit, Nuptiarum Præsidis, id quod pluribus apud Gyraldum deducitur. Sed alia succedunt:



In prioribus, subjicit ETASTES, Herculem video, quid autem hic erratum sit, non video. At falso ut videas, regessit DULODORUS. In prima Gemma Hercules à Pomo Hesperidum petito redux statuitur, cùm tamen Hercules hic, non Pomum, sed Pateram prætendat, adeoque Herculem sacrificantem adumbret, qualis & in Gemma secunda ad aram visitur. Si Patera & Pomum discerni non potuere, at ex fabula debuisse innotuisse, Herculem tria Poma ex hortis Hesperidum retulisse, quot etiam in Numismate Hadriani Hercules Gaditanus præfert. De Sacrificio, inquit ETASTES, res nota est; In Gemma secunda enim Hercules in Oeta sacrificans exhibetur: nisi, quod habitus non conveniat, potius ad eum respiciendum arbitreris, qui in Græcia Goltzii T.3. sub titulo ΧΑΩΝΙΤΩΝ proponitur, vel ad Tyrium apud Vaillantium T. II. pag. 69. In Numismate ΧΑΩΝΙΤΩΝ, respondit DULODORUS, Hercules non stat, nec paternam præfert, sed pelli Leoninæ insidens, ex Scypho liquorem fundit, proserpente, à pedibus hederâ: adeò ut liquido constet, ad Herculis blbacitatem id Numisma referendum esse. Tyriorum Hercules in Nummo Macrini effictus est, eodem quidem modo, quod in Gemma prima visitur; Cùm autem non se, sed Tyrios referat, pro Salute Principis sacrificantes, ea autem consideratio in Gemma locum non habeat, omnino censerem, Herculis pietatem hic adumbrari, quâ in Italia, Cacô imperfecto, & ab Evarando agnitus, Jovi patri aram erexit & sacrificasse, Antiquitatum Romanarum Scriptoribus memoratur. Sed hæc levia sunt. An reliqua graviora? interrogavit ETASTES? Sunt, respondit DULODORUS; Quis enim ad Gemmam tertiam credat, Herculem Antæi pelle amictum, cum Patera frugibus plena ad Sacrificandum procedere? At, inquit ETASTES, nisi fallor Tristanus assertum fulcit. Tristanus, reposuit DULODORUS, Herculem paciferum cum ramo Oleæ exhibit, sed cum pelle Antæi non exhibit. Antæum enim Hercules pelle spoliasse non legitur, sed legitur eum suffocasse, id quod & in Gemma quarta facit. In Gemma quarta? subjicit ETASTES; At raptum in hâc vel puellæ adumbrari, vel pueri credebam. Antæum, exceptit DULODORUS, ab Hercule suffocatum hoc schemate adumbrari, non tantum ex fabula constat, quâ sublimem è terra, ulnisque elisum Hercules interemisse, Apollodoro memoratur; sed & ex Numismate HERCULI LYBICO inscripto, in quo licet directus, medium tamen apprehendit, & è terra sublimem suffocat: Ut taceam MSCtum Pighianum, in quo eodem ferè modô aliquoties occurrit, eò ubique Antæi, utpote morientis, angore & vehementia, qualem & in Gemma ad oculum cernimus. Ad Gemmam quintam transeamus, infit ETASTES, mirum si & hic erratum fuerit, Liceti enim placita innotuere, & si probari meruissent, utique ab iis non debuisset recedi. Recte judicas, respondit DULODORUS; Cùm autem recessum sit, apertum est, ea probata non esse. Asinus hic palleatus ad duos palleatos accedens statuitur, cùm tamen non duo palleati, sed omnino duæ foeminæ, aut verius foemina cum Ancilla, in Gemma ex habitu noscantur, adeoque planum sit, omnino cum Liceto sentiendum esse, qui Apuleji in Asinum mutati petulantem lasciviam agnoscit, quâ mulieribus ostensus adeò placuit, ut & concubitum ejus licitarentur. Aperta sunt, & propositæ Gemmæ convenientissima Apuleji verba. Quod contra adferam, inquit ETASTES, non habeo. Quid autem ad Gemmam sextam? An falsum est quod dicitur Proserpinam ea exhiberi?

beri? Utique mala Punica eam apertè demonstrant? Opinionis non refragabor, sub-
jecit DULODORUS: Addo tamen, concinnius hanc, Venerem credi, eò quòd mala
Punica hæc in Cypro sevisse memoretur. Ita sanè planum erit, non tantùm, cur ma-
la Punica, sed etiam curratum in Gemma præferat, sive Balaustii is sit, sive Myrti, Ve-
neri sacratæ. Res credibilis est, exceptit ETASTES, an autem eadem felicitate ad *septi-*
mam Gemmam usurus sis, dubitem; Quid enim? Annon Bacchi satelles hic est? &
quidem cum Lynce, cui videtur vinum defundere? id quod eò planè modò fit, ut in
Sidonis Nummo sub Al. Severo, apud Patinum & Vaillantium. Immanè quantum,
hæc Gemma, respondit DULODORUS, à Sidonis Nummo distat. In hoc enim non
Bacchi satelles, sed Bacchus ipse cernitur: Cernitur Lynx, aut potius Pardalis, cum a-
pud Gorlæum apertè canis sit: Bacchi hasta in Numismate pura visitur, in Gemma
autem ferrata est: Bacchus ex Cantharo liquorem effundit; At figura proposita aliud
quoddam instrumentum prætendit, Falci haud absimile. Ego potius ex Cane & jacu-
lo Cephalum hunc crederem; Licet enim hic n. 37. Thorace indutus prodeat, in Spi-
cilegio tamen meo ex Pighii MSCto aliter visitur, adeò ut Artifices in his variâsse, du-
bium non sit. Si Bacchum desideres, eum in Gemma *octava* statuerem. Ganyme-
dem, inquit ETASTES, hunc arbitrabar, & quidem cornu effudentem. Cornu, re-
spondit DULODORUS, Bacchi poculum esse, ad Gemmam Thes. Elect. Brandenb. la-
tius demonstravi, cumque in hæc Gemma etiam Palla concurrat, quæ & ipsa Baccho da-
tur, utiq; conjectura fortasse non futilis nascitur, hastam cui pileus impositus videtur,
Thyrsum esse, adeoque Gemmam Baccho, quâm Ganymedi concinnius addici. Sed
contraho vela; Vereor enim ne vel sic Tibi videar gravior fuisse. Qui veritatem
absque acrimonia inquirit, inquit ETASTES, non nisi malevolis gravis est. Mihi tua
opera perquâm jucunda fuit, indeque debitas Tibi gratias lubens persolvo. His dictis
DULODORUM reliquit, & ad sua regressus est.



